


# IBITEGA BITOBOTSE

 Mureke dusenge.

Mwami, ubu turizera. Twizera Umwana w’Imana, kandi, binyuze muri ibyo, twemera Ubugingo Buhoraho binyuze muri We. Noneho twongeye guteranira hamwe, muri iki gice cy’umunsi nyuma ya saa sita, kubw’ayandi materaniro, kukwizera kubw’Ubutumwa n’icyo Uza kutubwira iri joro. Turakwizera, Mwami, kandi turagutegereje. Kandi Waravuze uti: “Abategereje Uwituka bazongera imbaraga zabo; Bazamuke bafite amababa nk’ay’ikizu.” Kandi turasenga, Mana, kugira ngo Uze kuduha izo Mbaraga zo kuzamurwa, iri joro, mu gihe tugutegereje.

<sup>2</sup> Turagushimira kubw’aba bantu, n’icyo basobanuye kuri wowe n’icyo basobanuye kuri nje. Ndagushimiye kubw’ibyo, Data. Ni imitaka Yawe. Kandi ndasenga, Mana, iri joro, kugira ngo wigaragaze mu nzira, kuri bo, ubahe ibyo bakeneye. Niba hano hari abarwayi, nibakire. Niba hari ugushidikanya mu bitekerezo by’umuntu, bisobanure, Mwami. Kandi uduhe Ukuboneka Kwawe n’Imigisha Yawe, kuko tubikeneye, Mwami. Uri byose kuri twe. Kandi, tutari kumwe, ntacyo twabasha gukora.

<sup>3</sup> Turasenga ngo Uze kwakira amashimwe kubyo Wakoze byose. Mw’Izina rya Yesu Kristo dutegereje imigisha yawe. Amina.

Nimwicare.

<sup>4</sup> Kandi, ni byiza, ha—harakonje gato kuri iki Cyumweru nijoro, hano, kuruta uko byari bimeze ku Cyumweru gishize. Turashimira cyane bene Data bakoze mu kwizera ngo ibi bigerweho. Nzi babiri cyangwa batatu muri bo. Mwene Data Mike Egan, nk’uko mubona hariya inyuma, kandi njye... Mwene Data Mike, na Mwene Data Sothmann, Mwene Data (ndizera) Roy Roberson, na Mwene Data Wood, kandi bose, bicaye hano gusa babize icyuya, bagerageza kwinjira kugira ngo dushobore kubona ubu butumwa nonaha, cyangwa uyu munsi. Turabashimiye rero.

<sup>5</sup> Noneho, ku Cyumweru gitaha mu gitondo, Uwituka nabishaka, ndashaka gukora umurimo w’amasengesho yo gusabira abarwayi. Kandi tuzawuharira serivisi yo gukiza indwara, niba Umwami abishaka.

<sup>6</sup> Nabonye, muri iki gitondo, hano hari ibitambaro byinshi. Nabisengeye. Nanjye, mu gihe mwasengaga muririmba, nasengeye ibitambaro; kandi hano hari hari byinshi muri iri joro. Rero, natwe—natwe twizera ko Imana ikiza abarwayi.

Ubuhamya bwinshi bukomeye bw'abakize muri twe, no kw'isi yose, kandi turabyishimiye.

<sup>7</sup> Natekereje ko, ku Cyumweru gitaha, ngomba kuba kure gato ho gato, kandi twakomeje gufata cyane gusa inyigisho n'Ubutumwa, ko natekereje ko byaba byiza turamutse dufite u—u umurimo wo gukiza indwara, wasengewe ku bw'abarwayi. Kandi twizera ko Imana izaduha ibihe byiza.

<sup>8</sup> Noneho, benshi muri bo bagomba gutwara ibirometero byinshi iri joro. Nabwiraga rero amatsinda yo hejuru ya—ya Blue Boar Cafeteria, uyu muni, aho nafatiraga ifunguro rya nimugoroba. Abantu benshi beza, nabonye bahana ibiganza maze nganira nabo, bari abantu ntigeze mbona mbere, baza hano mw'itorero. Kandi ndashimira inshuti nk'izo, kandi ndashaka gushimira buri wese. Bamwe muri bo bafashe inkeri, barazituzanira. Kandi umwe yatuzaniye indobo y'umutobe udafunguye, cyangwa urusukume, ndizera ko byari, kandi—kandi gusa n'ibindi bintu. Ntabwo muzi icyo bivuze. Kandi ibya mu gitondo, nazamutse nsohoka mu nzu, rimwe na rimwe hariya . . .

<sup>9</sup> Ejo mu gitondo hari mwene Data hariya wari umerewe nabi mu by'ukuri, udafite imyenda n'ibintu, yashakaga ko njya kumushakira imyenda. Naratangiye, maze mpita nsitara hejuru y'indobo y'inkeri yari iri hariya. Ndavuga nti: “Wazanye izi nkeri?”

<sup>10</sup> Na we ati: “Oya, ntacyo bari kuzimaza. Nari hano ku manywa y'ihangu, kandi bari bicaye hano icyo gihe.” Kandi ni mwene Data mwiza Ruddell wari yazinzaniye. Kandi rero, ibyo bintu ndabishima rwose.

<sup>11</sup> Billy Paul yambwiye gusa, mu kanya gato, ko muri aya materaniro iri joro, bari bafashe ituro, ryari iryanjye. Njye—njye ndabashimira kubw'ibyo. Sinifuzaga ko mukora ibyo. Nye—njye gusa ndashimira umuhate wawe, n'ibindi, ariko ntibyari ngombwa. Kandi, ariko, Uwiteka aguhe umugisha. Murabizi, murabizi, Bibiliya iravuga iti: “Nk'uko wabikoreye bake muri aba, ni Njye wabikoreye.”

<sup>12</sup> Noneho, nabaye nk'ubaganiriza, ku Butumwa, bugororotse. Hamwe na njye . . . Abantu bamwe bashobora kuba bumva ibyo ko—ko nibaza ko Yesu agiye kuza mu gitondo cyangwa iri joro. Ndabitekereza. Noneho, simvuze ko Azabikora. Kandi, na none, Ashobora kutaza mu Cyumweru gitaha, bishobora kuba ari umwaka utaha, bishobora kuba ari imyaka icumi. Sinzi igihe Azazira. Ariko, hari ikintu kimwe nshaka ku . . . buri gihe mu jye muzirikana, mujye muba mwiguyeye buri munota cyangwa isaha. Murareba? Ibyo, niba ataje uyu muni, ashobora kuba hano ejo. Gusa rero uzirikane ibyo mu bitekerezo byawe, ko aje.

<sup>13</sup> Kandi sinzi igihe kizaba isaha yanjye yanyuma kw'isi, ntanumwe muri twe wamenya igihe cye. Kandi nta n'umwe muri

twe uzi igihe Azazira. Nta n'ubwo abizi, We ubwe, dukurikije Amagambo Ye Bwite; Yaravuze ati: "Data, wenyine, ni we uzi igihe Azazira; ndetse n'Umwana ntazi igihe Azazira." Ni igihe Imana yongeye kumutwoherereza. Ariko turifuza Ukuza Kwe. Niba kandi Ataje mu gihe cy'imyaka yanjye, ashobora kuza mu gikurikira; niba ataje muri icyo, azaza mu gitaha. Ariko, ku bwanjye, ntabyangora kubona ko nta gihe gisigaye. Njyewe. . . Kubwanjye, bishobora kubaho ku munota uwo ari wo wose. Noneho, ibyo ntibisobanura. . .Ibyo ntibisobanura, ubungubu, ko muzabona amajuru ahinduka kandi buri. . .Ntabwo ari Ukuza mvuga. Ndavuga Izamurwa.

<sup>14</sup> Murareba, Akora Ukuza gatatu. Aza mu mazina atatu y'umwana. Aza mu butatu: Data, Umwana, Umwuka Wera. Murareba, byose ni Kristo umwe, Imana imwe, igihe cyose. Noneho, tuzi ko Yaje kuzana imirimo itatu y'ubuntu: kubarwaho gukiranuka, kwezwa, umubatizo w'Umwuka Wera. Ibintu byose, mu Mana, byuzuye muri bitatu.

<sup>15</sup> Kandi uko ni ko Aza, ubwa mbere, gucungura Umugeni We. Aza, ubwa kabiri, nk'Izamurwa, kugira ngo ajyane Umugeni We. Aza, ubwa gatatu, hamwe n'Umugeni We, Umwami n'Umwamikazi; ubwa nyuma, aho ni ho abantu benshi bategereje Ukuza.

Ariko naza iki gihe, nta n'umwe uretse abiteguye bazamenya igihe azazira. Hazabaho gusa kubura abantu. Ntibazamenya ibyababayeho. Bazafatwa rwose, mu kanya nk'ako guhumbya, kandi bazabura. "Bahindurwe mu kanya, mu kanya nk'ako guhumbya." Gusa rero mubyitegure. Byaba biteye ubwoba mu gitondo kubura uwo ukunda, nta muntu ushobora kubabona. Ntabwo byaba ari bibi cyane kumenya ko byabaye kandi utabibonye? Komeza rero ugume imbere y'Imana.

<sup>16</sup> Noneho, icyumweru gitaha, Uwiteka nabishaka, kuwa mbere utaha, guhera kuri iki cyumweru kuva kuri uyu wa mbere, Imana nibishaka, Ndimu gusubiza umuryango muri Arizona aho bajya mw'ishuri, hanyuma njye—nkagaruka.

<sup>17</sup> Noneho, ntabwo njyayo. . .Nta kazi mfiteyo kugira ngo mbe ndiyo. Ntibinyorohera kuba muri Arizona. Ngiye ahandi hantu. Nzajyanayo umugore, Kuwambere utaha. Nongere ngaruke hano. Nzahava njya muri Columbiya y'Ubwongereza. Ndagaruke muri Kolorado. Nzongera kuba muri Arizona igihe kimwe hafi ya Noheri, gusa kubw'igihe cy'iminota mike, niba byinshi nibura, . . .birashoboka ko twagumayo iminsi ibiri cyangwa itatu, nshyire umuryango hamwe, ngaruke hano mu minsi mikuru ya Noheri, Uwiteka nabishaka, nzakora umurimo hano mu cyumweru cy'umwaka mushya.

<sup>18</sup> Noneho rero ndi hano, muby'ukuri, kenshi. Ndi hano inshuro icumi kurenza hariya, kubera ko tudafite itorero cyangwa imirimo iyo ari yo yose, ntaryo dufite hariya, kubw'ibyo, mu

buryo bwo gukorera itorero. icyo ni ikintu kibi kuri byo. Ntabwo mfite aho nohereza abana ngo bajye kumva ubu Butumwa, nk'uko abana banyu babwumva hano, ka—kandi rero iyo ni yo nenge imwe dufite. Ariko bose bafite ubuzima bwiza. Ni ikirere cyumutse, gishyushye, ikirere cyumutse, ariko abana bose basa nk'aho bafite ubuzima bwiza. Ntabwo mpaba bihagije kugira ngo menye niba bitunganye cyangwa bidatunganye. Njye, ndi mu nzira, kandi njye—njye—njye ndakeka ko navutse ndi uwihuza n'ibyaremwe.

<sup>19</sup> Umugore wanjye arampamagara... Nzi ko ari hano, nzabona ibi nyuma y'amateraniro, mwese murabizi. Ni iki bita, guhinduranya umuyaga, cyangwa umuyaga utuje, cyangwa icyo ari cyo cyose—icyo ari cyo cyose, muzi, guhinduranya umucanga? Cyangwa, buri gihe mba ndi mu nzira, mu magambo yandi. Kandi narashatse ubu, hashize imyaka makumyabiri n'ibiri, nanjye, rimwe na rimwe, ngira ngo ndi umunyamahanga ukikije urugo, kuko ngomba kuba ndimo kugenda.

Ariko ntegereje nihanganye igihe tuzaturizwa mu rugo umunsi umwe mu Gihugu twaturutsemo. Ariko ubu urugamba rurakomeje, mureke rero dusenge.

<sup>20</sup> Ntimwibagirwe, ku Cyumweru gitaha mu gitondo, Uwituka nabishaka, muzazane abarwayi banyu n'abababaye. Muzaze kare, mufate umwanya wanyu, kandi birashoboka ko hari itsinda ryo gusengerwa. Tugomba gutanga amakarita yo gusengerwa. Niba ntayahari ahagije, ntizutanga amakarita yo gusengerwa, gusa birahagije gukora umurongo muto nk'uw'amaduzeni abiri cyangwa atatu, cyangwa ikindi. Ariko twe—birashoboka ko tuza gutanga amakarita yo gusengerwa, birashoboka rero ko tuza kubikora nk'isaha imwe mbere y'umurimo usanzwe, ntekereza ko ufata... Azaba ari saa mbiri, saa mbiri cyangwa saa mbiri n'igice, bazatanga amakarita yo gusengerwa; gufungura urusengero, gutanga amakarita yo gusengerwa ku Cyumweru gitaha. Hanyuma rero mwemeze ko muzaba muhari kubwanyu... Muzazane inshuti zanyu, muzishyireyo. Bizaba byiza kandi byiza mu itorero, niba barwaye, kandi tuzakora ibishoboka byose kugirango tubasengere.

<sup>21</sup> Murakoze, nanone, kubw'urukundo mwatugaragarije.

<sup>22</sup> Noneho ubu tugiye gusoma irindi Jambo ry'Imana, iri joro, kandi mwigere iki gikorwa cyo Kugaragara Kwe nanone kugira ngo atuzanire Ijambo Rye. Noneho, tuzi ko dushobora gusoma inyandiko, ariko Imana igomba guhishura ubusobanuro. Murareba? Dushobora gufata inyandiko, ariko Imana igomba guhishura ubusobanuro. Kandi mu gihe turambuye nonaha mu gitabo cya Yeremiya, igice cya 2... .

<sup>23</sup> Ndashaka kuvuga ko nishimiye kuba mfite, hamwe natwe, Mwene Data Lee Vayle, mwene Data w'agaciro mu Mwami. Kandi ngira ngo hano, mwene Data hano, sinatekerezeza izina

rye, Mwene Data Willard Crase. Nabonye bene Data bo muri Arkansas, Mwene Data John nabo, baturutse hafi ya Poplar Bluff, na mwene Data Blair. Kandi, yewe, Mwene Data Jackson, na Mwene Data Ruddell, na benshi cyane abo nje—nje ntabwo nshobora... Nifuzaga ko nabasha guhamagara izina rya buri wese, ariko sinshobora kubikora, kandi murabyumva. Mwene Data Ben Bryant, ndabona yicaye hano; mu bisanzwe ni imfuruka ya amina yanjye mu gihe ndi... Umuntu wese azi Ben kw'ijwi rye. Aha-ah.

<sup>24</sup> Twebwe, twigeze gutura muri Californiya igihe kimwe, nabwirizaga Ubutumwa ku Babatisita haruguru mu kibaya. Bari bfitse ihema rinini, hamwe n'abantu benshi b'Ababatisita. Sinigeze numva na "amina" iturutse aho ari ho hose; murabizi, ntinya bamwe mu bagore basiga amarangi mu maso habo. Kandi rero, ikintu cya mbere muzi, Nabonye ibirenge bibiri bijya kumera nk'ibyoyi, bizamuka mu kirere, n'ibiganza bibiri binini, n'umusatsi wirabura w'irende, bararangurura bati: "Amina," basakuza nka gutyo. Narebye hasi, ndavuga nti: "Ben, waturutse ahagana he?" Yari arimo kwikiriza rwose "amina."

<sup>25</sup> Ndabona umugore we amwitegereza, buhoro. Ni byiza, arimo gutakaza buhoro imisatsi yirabura, ariko ni byiza, murabizi. Ntugahangayikishwe n'ibyoyi. Nanjye narayitakaje, iyanjye, hashize igihe kirekire.

Rero, ubu, ntukibagirwe gusenga.

<sup>26</sup> Noneho mu gihe tugeze ku ruhande rutaryarya rw'umurimo, mwibuke, nidusoma iri Jambo, Imana iraza guha umugisha Ijambo Ryayo. "Ntabwo rizagenda ubusa, ahubwo Rizasohozza umurimo Waryo." Kandi ndabizi, mu gusoma Ijambo, nzahora mvuga ukuri. Ninsoma Ijambo, Imana izubahiriza Ijambo Ryayo.

<sup>27</sup> Noneho reka duhagarare mu rwego rwo kubaha Ijambo Ryayo. Yeremiya, igice cya 2, umurongo wa 12 n'uwa 13 wa Yeremiya 2.

*Wumirwe ku bw'ibyoyi, wa... juru we, kandi, ufatwe n'ubwoba bukomeye wihebe cyane, ni ko UWITEKA avuga.*

*Kuko abantu banjye bakoze ibyaha bibiri; baranyimuye kandi ari nje soko y'amazi y'ubugingo, kandi bikorogoshoreye ibitega mu rutare, ndetse ni ibitega bitobotse, bitabasha... gukomeza amazi.*

Reka twunamishe imitwe yacu nonaha.

<sup>28</sup> Mana Ikundwa, Ijambo Ryawe rimaze gusomwa. Kandi turasenga ngo Wubahirize Ijambo, kandi uduhe iri joro umugani cyangwa ibisa na Ryo; nk'uko tureba iminsi yashize, Isiraheli, nk'urugero, nk'uko Bibiliya itwigisha ko dushobora kubona ibyoyi wabakoreye igihe bumviye Ijambo, reba ibyoyi wabakoreye igihe basuzuguraga Ijambo, kandi mwise icyo tugomba gukora. Noneho, turasenga ngo Uze kuvugana natwe muri iri joro mu

buryo budasanzwe, kugira ngo tumenye uko twakwitwara kuri uyu muni, tubyige muri iki gitondo turimo. Kubera ko tubisabye mw'Izina rya Yesu. Amina.

Mushobora kwicara.

<sup>29</sup> Ndashaka kuvuga iri joro kuri iyi ngingo, ku i—i igihe gito ku: *Ibitega bitobotse*.

<sup>30</sup> Isiraheli yari yakoze ibibi bibiri bikomeye, Niko Imana yavuze. Barayimuye, kandi ari Yo Soko y'Ubugingo, maze bikorogoshera ibitega byo kunyweramo. Noneho, icyo ni ikintu runaka.

<sup>31</sup> Impamvu natekereje kuri iyi nyandiko ni uko yari kugenda ibangikanye n'ibyo navugaga muri iki gitondo, cy'isaha turimo, n'Impamvu duharanira.

<sup>32</sup> Kandi turareba Isiraheli nk'urugero, ko, icyo Imana yari cyo, Igomba guhora ari imwe. Kandi hariho ikintu kimwe gusa Imana yigeze yubaha, icyo ni, inzira Yayo yateganyirije abantu. Kandi ubwo bavaga muri iyo nzira, ako kanya Imana yarasuzuguwe, kandi Imana yatumye abantu bababazwa banava mu byo Yari yarababwiye gukora, uko byagenda kose.

Ndetse ibaha amategeko, “Ntukoreho, ntufateho, ntukumve ko biryoshye.” Ntabwo ari ukubera ububi bwo kubikora, ahubwo ni ububi bwo kutumvira ibyo Yababwiye gukora. Kandi buri gihe ntihashobora kubaho itegeko ridafite igihano cy'amategeko. Kubera ko, niba nta gihano, rero, itegeko, ntabwo rihagije kuri ryo keretse rifite igihano. Itegeko!

<sup>33</sup> Noneho, dusanga, ibyo bakoze uwo muni bisa nk'aho bihuye n'ibyo dukora uyu muni, ibyo abantu b'itorero bakora.

<sup>34</sup> Noneho turabona ikintu kidasanzwe hano. Bishobora kuba bidasanzwe ku bantu bamwe, igihe Yabivugaga iti: “Mufite, bafite, bikorogoshereye ubwabo, ibitega bitobotse.” Noneho, birashoboka ko bamwe muri mwe mutazi icyo ari cyo. Ni bangahe bazi icyo igitega ari cyo? Byiza cyane ni hafi ya mwese. Niba mwarigeze kurererwa mu rwuri, muzi icyo igitega ari cyo. Ndibuka ko nanyweye imyanda ihagije kuri kimwe mu bitega, kugeza me—menye icyo i—igitega ari cyo.

Cyabwirijwe mu gihugu aho, hari ubusitani bw'ibiti, aho wari kugira igitega kinini cy'amazi washyizemo hariya, hanze y'i—imvura, murabizi, kandi cyari ubwoko bushaje gato. Kandi—kandi udukoko duto, tugatangira kwinjiramo nijoro. Kandi rero nzi amazi y'igitega icyo ari cyo.

<sup>35</sup> I—igitega ni a—ahantu, hari ikintu cyacukuwe mu butaka, kigamije gufata umwanya w'iriba. Aho abantu badafite ivomero, noneho bakagira i—igitega. Mu yandi magambo, igitega ni ikigega cyakozwe n'abantu, cyangwa iriba ryakozwe n'abantu mu butaka, uriya mugabo yacukuye, ashaka gufata amazi, yo—yo gukoresha. Bamwe muri bo babikoresha ku mazi yo

gukaraba, abandi bakayakoresha ku mazi yo kunywa, mu buryo butandukanye, birashoboka. Amazi yose rimwe na rimwe, twajyaga tubona, ari mu gitega. Cyari ikintu gishaje cyasabaga gupompa, uzengurutsa, uzengurutsa, uzengurutsa, uzengurutsa, kugira ngo amazi azamuke; ufite indobo nto, kugira ngo uvome amazi mu gitega.

<sup>36</sup> Ni byiza, hari ikintu kimwe tubona kijyanye n'igitega gitandukanye n'iriba. Noneho, igitega kizaba kirimo ubusa. I—i—igitega ntigishobora kuzura. Ni—ni... Ntabwo cyizewe. Ntushobora kwishingikiriza ku gitega. Kigomba kwishingikiriza no gushingira ku mvura igwa mu cyi cyangwa mu itumba, ibyo ari byo byose... Mu bisanzwe, mu gihe cy'itumba iyo urubura n'imvura bigwa, icyo gihe byirukana amazi mu gitega. Niba kandi kitabonye ayo mazi, noneho na we—nta mazi uba ufite. Yose ni—ni yose... aba yakamye. Kandi ntigishobora kuzura. Igitega gishaje ntigishobora kwiyuzuzwa ubwacyo. Kibona ibicyuzuzwa biturutse ku—ku mvura igwa.

<sup>37</sup> Kandi ndashaka ko mubona ikindi kintu kijyanye n'igitega. Mu bisanzwe, murasanga, cyangwa mu buryo byari bimeze iwacu, igitega... Mu bisanzwe ikigega gifite ubunini bw'inzu inshuro ebyiri, kandi mu bisanzwe amazi ashoka ava ku nzu, agana mu gitega. Ndibuka icyo gitega gishaje neza hariya, igihe cyari gifite... igihe—imiyoboro y'amazi yayihutishaga akakinjiramo, avuye mu kigega, yuzura aturuka mu kigega.

Noneho rero amazi ayoborwa aturutse ku gisenge cy'ikigega; aho, udukoko twose tuzenguruka tunyuzwe mu mpande, n'umwanda wose w'impande z'ikigega uturuka hejuru y'ikigega, mu gihe cy'impeshyi. Noneho amazi araza akawoza wose ukava hejuru y'igisenge, ukajya mu cyacukuwe n'abantu, hanyuma akajya mu gitembo cyakozwe n'umuntu, hanyuma akajya mu gitega cyakozwe n'umuntu. Niba kandi utarigeze ubona akajagari, sinzi icyo wabonye, mu gihe wabonaga igitega. Yego, mugenzi! Byose byakozwe n'abantu, kandi byanduye nk'uko bishoboka.

<sup>38</sup> Murabizi, twakundaga guhamagara... Twari dufite akayunguruzo. Wigeze umenya icyo ari cyo? Byabaye ngombwa ko dushyiramo akayunguruzo, kugira ngo dufate udukoko twose n'ibintu biva hejuru ku—ku kigega, kandi hirya no hino aho, hanyuma dusuka ahantu hamwe n'ahandi, mu gitega. Kandi twakundaga gushyiraho a—akayunguruzo, kugira ngo dufate i—ibirohwa byose n'indi myanda uko dushoboye. Muby'ukuri, ibyo ntibyari gufata umwanda nyawo, byafashe inyanda minini yamanukaga ikagwamo. Agakoko kashoboraga kugwamo, ariko umufa w'agakoko wo wacagamo uvanze n'amazi. Noneho—rwose mwari mufite akajagari mu gihe mwari mufite igitega gishaje cyanduye.

<sup>39</sup> Mu minsi mike, murareka ayo mazi akaguma aho, hanyuma

agahinduka ikiziba. Murareka amazi akaguma mu gitega, agahinduka ikiziba. Kandi kikuzura i—ibikeri, imiserebanya, n'inzoka. Kandi twakundaga kubyita “imihini,” bito. . . Sinzi niba. . . Ntabwo ari udukoko tunyunyuzwa ibindi, ni i. . . ntabwo nshobora, sinzi icyo wabyita. Ariko akantu gato kinjira mu mazi, ako—ako twise imihini. Muzi icyo ari cyo. Ni bangahe bazi ibyo mvuga? Yego, ni byo, byanze bikunze, mwese abo mu cyaro murabizi. Kubona byose byuzuye mu mazi adatemba, hanyuma ibyo bikunda amazi adatemba bizana na yo. Gusa muby'ukuri biraza, kuko adatemba. Kandi kubera ko ahagaze, akurura ibisimba aho bikunda kuba mu bintu bidatemba.

<sup>40</sup> Kandi ibyo byose bimeze nk'amatorero yacu uyu muni. Ndatekereza ko twavuye. . . Kimwe mu byaha bikomeye itorero ryakoze uyu muni, kimwe na Isiraheli icyo gihe, ryaramutaye, Isoko y'Amazi mazima, kandi ryisutse ubwaryo mu bitega byakozwe n'abantu. Kandi rihinduka ubuturo bw'ibintu byose bikunda amazi nk'aya. Imiserebanya, ibikeri, n'ubwoko bwose bwa mikorobe zanduye, bibamo, kuko ni ikigega cyakozwe n'abantu. Kandi muri iki kigega ibyo bintu bigumamo, urugero rwiza rw'amadini yacu uyu muni.

<sup>41</sup> “Noneho,” muravuga muti: “Mwene Data Branham, kubera iki?”

Rigomba gukubitwa. Rigomba gukubitwa. Murihunge, kuko amaherezo rizakora ikimenyetso cy'inyamaswa. Mwibuke, uko ni Ukuri! Rizaba ikimenyetso cy'inyamaswa. Idini rizayobora neza kuri cyo. Ari mu muhanda wacyo aho ngaho, guhatira, n'imbaraga.

<sup>42</sup> Reba mu bwami bwa kera bw'Abaroma. Ni byo rwose ni byo ryabayoboye kuri kiriya kimenyetso cy'ubuhakanyi. Wabonye ko nta muntu n'umwe ushobora kugura cyangwa kugurisha nta kimenyetso cy'inyamaswa. Yagombaga kukigira.

<sup>43</sup> Hariho ibyiciro bibiri gusa by'abantu bazaba kw'isi: abafite ikimenyetso cy'Imana, n'abafite ikimenyetso cy'inyamaswa. Ibyiciro bibiri gusa, mugomba rero kugira kimwe cyangwa ikindi. Bizaba ubuhakanyi, i—ikimenyetso cy'i—cy'idini, idini ry'abahakanyi.

<sup>44</sup> Kandi kigiye kugira ishusho kuri ya nyamaswa. Nk'uko tubyiga, dusanga ko Roma yari, iri, kandi izahora, ikimenye- . . . cyangwa inyamaswa. Ni ukuri. Nta buryo bwo kubona ikindi kintu cyose. Roma!

<sup>45</sup> None Roma yakoze iki? Yahinduwe ivuye muri Roma y'igipagani ihinduka Roma y'ubupapa, kandi yateguye gahunda, gahunda rusange, ihatira abantu bose iryo dini rimwe kurijyamo cyangwa kwicwa.

<sup>46</sup> Kandi ni ikintu kidasanzwe kuba Leta Zunze Ubumwe z'Amerika zigaragara, kandi ni nk'umwana w'intama. Kandi umwana w'intama ufite amahembe abiri mato, uburenganzira

bwa gisivili n'uburenganzira bwa kiliziya. Nyuma y'igihe gito, ubwo yari umwana w'intama, twasanze waravugaga noneho nk'ikiyoka kandi akoresha imbaraga zose ikiyoka cyari gifite mbere zawo. Kandi Bibiliya itubwira ko bavuze bati: "Reka twikorere ishusho c'inyamaswa." Ishusho ni ikintu kimeze nk'ikindi. Dushobora kubibona nonaha ko, mu buryo bw'abahakanyi, itorero rishinga Inama y'Isi y'Amatorero, akaba ari ishusho y'imbaraga za Roma; kandi izahatira abantu ikintu kimwe cya gipagani Roma yakoze... cyangwa abapapa ba Roma bakoze. Nta bundi buryo rero, nta kindi kintu. Ariko uko ni Ukuri.

<sup>47</sup> Kandi ni yo mpamvu ndimo kuyikubita mu myaka yanjye, mu gihe cyanjye, kuko igomba gukubitwa. Uguhamagara kuratangajwe, ngo, "Musohoke muyivemo, Bantu banjye, kugira ngo mudasangira ibyaha bye!"

<sup>48</sup> Noneho, ndabigereranya n'iyi myanda, ibitega byanduye. "Ni Isoko y'Ubugingo. Ni Amazi mazima." Kandi umuntu areke Ibyo, kandi yicukurire ibitega bishobora gufata umwanda gusa. Ni cyo kintu cyonyine bishobora gufata. Kandi ibyo ni byo amadini akora; afata ibintu byose biza kandi bishaka kwinjiramo. Biteguye kubyakira niba hari amafaranga, cyangwa bashobora kwambara mu buryo runaka. Nta kibazo abo ari bo bose, aho baturuka, barabajyana, uko byagenda kose.

<sup>49</sup> Noneho dusanze, na none, ko, iki cyakozwekimenyetso cy'inyamaswa yaremye hano... Amerika ni numero ya cumi na gatatu. Yavutse ifite abakoloni cumi na batatu. Cyari gifite ibendera rifite inyenyeri cumi n'eshatu, imirongo cumi n'itatu. Ndetse bigaragara no mu Byahishuwe igice cya 13. Kandi Amerika yahoze ari umugore, ugaragara ku biceri byacu. Ndetse n'umutwe w'Ubuhinde, uri ku giceri, ni umwirondoro w'umugore. Turabizi, mumenye amateka yabyo. Ibintu byose, Inzogera y'Umudendezo, n'ibindi byose, umudendezo... Igishusho cy'Umudendezo ni, ibintu byose, umugore. Umugore; nomero ya cumi na gatatu. Murareba? Noneho, ni—ni byiza kubona ibyo bintu.

<sup>50</sup> Noneho ubu nahanuye kubwo guhishurirwa n'Imana, cyangwa iyerekwa muri 1933, ko ibintu birindwi byabaho mbere y'igihe cy'imperuka. Kandi ibyo, kimwe muri ibyo, ko, "Mussolini, icyo gihe wabaye umunyagitugu, yari kuba umunyagitugu; kandi nanone, yashoboraga kugaba igitero akamanuka muri Etiyopiya agafata Etiyopiya; n'Umwuka, Uravuga uti: 'azagwa ku ntamwe ze.'"

<sup>51</sup> Ndabaza niba hari umwe mu bakera-bagisigaye mu ihema, muranyibuka mvuga ko mu Cyumba cya Redmana hepfo aha igihe twabwirizaga, imyaka myinshi, myinshi ishize. Haba hari imwe mu nyubako, iri joro, isigaye hepfo hariya ku Cyumba cya Redman gishaje ubwo nabwirizaga, igihe bari bafite N.R.A.

hanze, inzira isubira mu gihe cya manda ya mbere ya Roosevelt? Ndaye ko nta n'umwe uri hano. Hari uwaba ahari? Yego, yego, umwe, hari umwe. Ni byo, Madamu Wilson, ndamwibuka. Umugore wanjye, yicaye inyuma. Babiri basigaye, mu bantu ba kera cy'abo muri uwo muni.

Ibyo, igihe bavugaga iyi N.R.A. cyari ikimenyetso cy'inyamaswa, naravuze nti: "Nta kintu na kimwe kuri yo; nta na busa. Ikimenyetso cy'inyamaswa ntikiza hano. Kiva i Roma. Ntigishobora kuba ikimenyetso cy'inyamaswa."

<sup>52</sup> Noneho mwibuke ko ibyo bintu byavuzwe. mwavuga muti: "Adolf Hitler yagize iherezo ridasanze. Kandi yari gutangaza intambara kuri Amerika. Kandi ko bari kubaka igihangange—i—ikintu gikomeye gifatika, ko bari no kukibamo. Kandi ahongaho Abanyamerika bahuye no gukubitwa bikabije, muri iki kibazo." Kandi wari umurongo wa Siegfried, imyaka cumi n'umwe mbere y'uko itangira kubakwa. Nuko mukavuga muti: "Ariko yagombaga kugera ku iherezo; kandi ko Amerika yari gutsinda intambara."

<sup>53</sup> Hanyuma muravuga, ngo: "Hariho isimu eshatu: Ubunazi, ubufashisime, n'ubukominisimu." Nanjye nti: "Bose bazahuhira mu bukomunisiti. Uburusiya buzafata byose, mu bukomunisimu."

<sup>54</sup> Nuko ndavuga nti: "Noneho ubuhanga bugiye gukomera, umuntu agiye kugira ubwenge bukataje, kugeza igihe azahimba ibintu byinshi kugeza igihe azakora imodoka isa n'igi, iyo izaba ifite ikirahure hejuru yayo, kandi izayoborwa n'izindi mbaraga zitari diregisiyo." Kandi bafite imodoka.

<sup>55</sup> Ndaye nti: "Noneho imyitwarire y'abagore bacu igiye kugwa mu bintu nk'ibi byangiritse, kugeza igihe bazaba amahano ku mahanga yose. Bagiye kwambara ubusa kugeza y'abagabo. Bagiye gukomeza kwambara ubusa kugeza muby'ukuri igihe bagenda nk'aho bambaye imyenda yabo y'imbere, n'ibyo byose. Kandi, amaherezo, bazasigara bambaye ikibabi cy'umutini gusa."

Niba kandi mubibona, mu kinyamakuru *Life* cy'ukwezi gushize, bari bafite umugore ufite amababi y'umutini. Kandi iyo ni ikanzu nshya yo gusohokana ku mugoroba, cyangwa ikanzu, bambara nimugoroba; ibonerana, ushobora kubona imbere binyuze muri yo, gusa amababi y'umutini ahisha gusa ahantu runaka ku mubiri we; hamwe n'umukandara, cyangwa umukandara, imyenda yo kwiyuhagira idafunze, hejuru yacyo, umubiri ugaragara. Kandi mbega ukuntu ibyo bintu byabayeho!

<sup>56</sup> Hanyuma ndavuga nti: "Nabonye umugore ahagaze muri Amerika, nk'umwamikazi ukomeye cyangwa ikindi kintu. Kandi yari mwiza kumureba, ariko mubi mu mutima we. Kandi yateje igihugu intambwe, kigendera ku ntambwe ze."

57 Hanyuma ndavuga nti: “Hanyuma, Yarambwiye ngo nongere nsubize amaso inyuma mu Burasirazuba. Kandi, ubwo ibyo nabikoraga, nabonye, bisa n’ibimeze nk’aho, isi yari yaturitse. Kandi uko nabiboneraga kure, nta kindi uretse inkoni, kandi—kandi amabuye atumuka imyotsi yari yaturikijwe ku isi.”

Kandi ibyo byagombaga kubaho mbere y’imperuka y’isi. Kandi batanu muri barindwi bimaze kuba, mu myaka mirongo itatu n’itatu. Hano turahari, dusubiye mu gihe cya nyuma!

58 Kandi navuze byumvikana kumugaragararo ukuntu ndwaniye iyo gahunda y’amadini ako kanya. Kandi ndacyizera, iri joro, ko ari ikimpoteri, ko ari ahantu umwanda ujyamo. Sinshobora kwizera ko Imana izigera ifata ikintu nk’iki mu Itorero Ryayo, kubera ko bigomba kuvuka kubw’Umwuka w’Imana hanyuma bigahumanurwa mbere yuko byitwa Ibyayo. Umubiri w’amayobera wa Kristo, twabatijwe muri wo kubw’umubatizo w’Umwuka Wera.

59 Ni byo, iyi mikorere y’igitega rwose ni urugero rwiza rw’amadini. Umunyabwenge agomba kureba, kandi ntazigere ayijyamo, kubera ko Imana yerekanye kuva kera ko iyirwanya kandi ntabwo yigeze ikorana nayo. Itsinda iryo ari ryo ryose . . . Igihe icyo ari cyo cyose umugabo wazamutse afite ubutumwa, nka Luther, Wesley, cyangwa n’abandi, na Smith, na Calvin, na bo, igihe batangiraga ishahirahamwe, Imana yashyize icyo kintu mu kabati kandi ntabwo yongeye kugisura mu bubyutse.

60 Murebe mu mateka. Ntabwo byigeze bibaho aho yigeze ifata idini, igakora ububyutse muri ryo, nta hantu na hamwe. Noneho, binyuze mu mateka no muri Bibiliya, byerekana ko ari ikintu cyanduye imbere y’Imana, sinshaka rero ko nagira icyo mbikoraho. Kandi ni yo mpamvu mbirwanya. Ndagerageza kuvana abantu muri yo.

61 Turatumiwe, nko muri Isiraheli, ni ko bimeze ubu, kureba Isiraheli nk’urugero. Bo, igihe cyose bagumanye n’iyi Soko, bose bari bameze neza. Ariko iyo bageze kwikorogoshorera amariba, ibitega byakozwe n’abantu, noneho Imana irabareka neza neza. Izadukorera ibintu bimwe. “Barayitaye, yo Soko y’Amazi mazima.” Ibyo byari ibirego Imana yabashinjaga. “Gukora ikintu bashobora kuvuga bati: ‘Urabona ibyo twakoze!’”

62 Noneho, ubwo mu gihe cy’u—cy’urugendo rwa Mose, igihe Imana, kubw’ubuntu, yabahaye umuhanuzi, yari yarabahaye Inkingi y’Umuriro kugira ngo ijye imbere yabo, yari yarabyemeje kubw’ibimenyetso n’ibitangaza, ubuntu bwari bwatanze ibyo bintu byose, Isiraheli yashakaga amategeko. Banze ubuntu, bafata amategeko.

Ni byo rwose abantu bakora muri iki gihe. Banze Ijambo, bafata imikorere y’amadini, kuko mu byo bashobora gukora n’ibyo bashaka gukora babigeragaho. Ariko ntimushobora

kubikora muri Kristo! Mugomba kuza musukuye kandi musobanutse, kugira ngo mube muri Kristo.

<sup>63</sup> Kureka iriba ridudubiza, imikorere yakozwe n’umuntu cyangwa igitega, mushobora gutekereza umuntu ubikora? Ntimushobora kwiyumvisha imitekerereze y’umuntu ushobora kunywera ku iriba rya ariteziyani, kandi mwabireka kubw’igitega cyakozwe n’umuntu gifite ibikeri, imiserebanya, imihini, n’ibindi byose birimo?

Nta n’ubwo bisa n’aho byumvikana ko ari ukuri, ariko ni byo rwose ni byo abantu bakoze. Basize Ijambo, Isoko nyayo y’Imana n’Imbaraga, kugira ngo banywere mu gitega, no kwigira ubwabo ibitega. Kimwe nk’uko babikoze icyo gihe, ni byo bakora ubu. Baravuga bati . . .

Yaravuze ati: “Baransize.” Hano Yaravuze, muri Yeremiya 2:14, cyangwa 13, ngira ngo. Yaravuze ati: “Baransize, Isoko y’Amazi y’Ubugingo.”

<sup>64</sup> Noneho, turabona icyo igitega ari cyo. Turabona icyo rifata. Turabona uko byakozwe. Ni ibintu byakozwe n’abantu biva ku gisenge cyanduye. Amazi atemba, akubita hejuru y’inzu yanduye, kandi yoza igisenge gusa, kiyashyira muni y’inkono yakozwe n’umuntu, akoresheje umureko wakozwe n’umuntu, mu kigega cyakozwe n’umuntu. Kandi umwanda wose uteranira aho, na—na mikorobe, imiserebanya, ibikeri, n’ibintu byo ku butaka, nk’ibyo. Kandi, mumenye, ni udusimba twanduye; imihini, amazi adatemba. Umuhini w’ikigina ntushobora kubaho mu mazi meza. Niba uyagiyemo, yawica. Ugomba kuba mu mazi adatemba.

<sup>65</sup> Kandi ni uko bimeze hamwe na parazite nyinshi muri iki gihe. Ntushobora kubaho mu mazi meza y’Umwuka Wera. Ni nayo mpamvu barwanya cyane Ijambo, bakavuga bati: “Ririvuguruzwa Ubwaryo. Nta kintu na kimwe kuri Ryo.” Ni ukubera ko bagomba kugira ubwoko bumwe bw’ikizenga kugira ngo binjiremo. Ni byo.

Ni nako bimeze ku bikeri, hamwe n’imiserebanya, hamwe n’iminyorogoto, n’ibindi nk’ibyo. Bigomba kuzenguruka igishanga cyangwa ikizenga cy’amazi adatemba, kugira ngo bibeho, kuko ni kamere yabyo kubamo gutyo. Kandi ntushobora guhindura inyamaswa keretse uhinduye imiterere yayo.

Kandi ntushobora gutuma umuntu abona Ijambo ry’Imana kugeza igihe kamere ye ihinduriwe; kandi iyo kamere ye ihinduwe ikareka uko iri, ikaba umwana w’Imana, Umwuka Wera aza muri we. Umwuka Wera wanditse Ijambo ry’Imana!

<sup>66</sup> Uyu muni navuganaga n’inshuti yanjye nziza, Dogiteri Lee Vayle, uri hano nonaha. Kandi ni umuhanga mu bya tewolojiya, kandi rero mubisanzwe twagiranye bimwe—bimwe mu biganiriro byiza cyane ku byanditswe. Umunyabwenge cyane.

Nuko igihe kimwwe ambaza icyo natekereje ku bimenyetso bya mbere by'Umwuka Wera, "Byari ukuvuga mu ndimi?" Byabaye hashize imyaka myinshi.

Ndavuga nti: "Oya; ntashobora kubibona."

Aravuga ati: "Nanjye simbikora," ati: "n'ubwo nabyigishijwe." Aravuga ati: "Utekereza ko ari ikihe kimenyetso?"

<sup>67</sup> Ndavuga nti: "Ibimenyetso byuzuye nshobora gutekereza ni urukundo." Nuko tubigiraho ibiganiro.

Hanyuma, natekereje ko bisa nk'aho ari byiza ku buryo nabifashe, "Niba umugabo afite urukundo."

Ariko umunsi umwe, Uwiteka, mu iyerekwa, yarankosoye. Na we ati: "Igihamba ko ufite Umwuka ni uko ushoboraga kwakira Ijambo," ntabwo ari urukundo, cyangwa kuvuga mu ndimi, ariko ni ukwakira.

<sup>68</sup> Noneho Dogiteri Vayle yarambwiraga ati: "Ibyo ni Ibyanditswe Byera," ati: "kuko, muri Yohana 14, Yesu yaravuze ati: 'Umwuka Wera nuzi kuri wowe, Uzaguhishurira ibyo bintu, ibyo nakwigishije, kandi azakwereka ibintu bigiye kuza.'"

Hariho ibimenyetso nyabyo byerekana Umwuka Wera! Nta kintu na kimwe yigeze ambwira. Ibyo, "Ni ibimenyetso by'Umwuka Wera, ni wo ushobora kwizera Ijambo." Ushobora kuwakira.

Impamvu, Yesu ntiyigeze avuga ati: "Igihe Umwuka Wera azazira, uzavugaga mu ndimi." Ntabwo yigeze avugaga ngo, Umwuka Wera uje, wakora kimwe muri ibyo bintu. Ariko Yaravuze ati: "Azenda ku Byanjye abibereke, kandi azabereka n'ibigiye kuza." Hariho ibimenyetso nyabyo byerekana Umwuka Wera, nk'uko Yesu Ubwe abivugaga.

<sup>69</sup> Ibi rero byose byunvikana ni ibintu abantu bafite kandi bagikomeza kubaho, mushobora kubona impamvu babikora. Murareba, bihinduka amadini, cyangwa ikizenga cy'ibiziba, kandi ntihazigera habaho idini ryakozwe kuri imp-... Ijambo ry'Imana ritunganye. Ntishobora kubikora, kuko ntushobora gutoranya cyangwa gutandukanya Imana. Oya, mugenzi!

<sup>70</sup> Impamvu ni uko, ubona itsinda ry'abantu bashobora kwizera Ijambo, reka batangire ishyirahamwe. Ikintu cya mbere muzi, mu gihe cy'umwaka hari agatsiko ka Rickys hariya udashobora gukoraho. Babonye gufata, kandi ntushobora kugira icyo ubikoraho. Ntabwo ari gahunda y'Imana. Ntabwo ari byo, tuzi rero ko kiriya kintu kiri hanze. Bihinduka igitega, kandi bihinduka ahantu buri wese azahuzagurika kuri *ibi*, *biriya*, cyangwa *ibindi*, kubona abanyamuryango aho bakinjira, cyangwa kureka abantu bakinjira.

<sup>71</sup> Turabimenya, imikorere yatangiye inshuro imwe, mu gihe cy'abisiraheli, mu gihe bari barimo gucukura ibyo bitega. Hariho

umugabo n'itsinda ry'Abafarisayo bari baracukuye amariba. Bafite umugabo witwa Herode, kandi yari igitangaza, guverineri w'igihugu.

Nuko aramanuka ngo yumve umugabo utabeshywa n'amadini yabo. Yari umuhanuzi. Kandi nta muhanuzi wigeze agira icyo akora ku idini, ariko yarabyangaga. Uyu muhanuzi atangira kuvuga ati: "Ese ntutangiye kuvuga hagati yanyu mwebwe muti: 'Dufite Aburahamu nka sogokuruza,' kubera ko mbabwiye ko Imana ishobora guhindura aya mabuye mo abana ba Aburahamu."

<sup>72</sup> Bazana umunyacyubahiro kumwumva. Kandi uyu munyacyubahiro yari yamwambuye umugore wa murumuna we, aramurongora. Ni iki uwo mugabo yagiye akavugira mu maso ye? Batekereje ko azemera, baravuga bati: "Noneho nyakubahwa, wowe, ufite intebe nziza *hano*. Kandi ugomba... Nishimiye cyane ko uri hano kunyumva uyu muni."

Yohana yahise agenda ajya mu maso ye, maze aravuga ati: "Ntabwo byemewe ko umutungu." Ikintu cya mbere cyane yavuze, yamuteye ubwoba kubera icyaha cye.

<sup>73</sup> Murareba, amadini akora ibizenga by'amazi y'ibirohwa aho umugabo ashobora kubana n'abagore, kandi n'abo bagore bashobora kwitwara, bakogosha umusatsi, bakambara ikabutura, n'ibindi byose, bakiyita Abakristo.

Ariko Isoko nyayo, Haleluya, y'imbaraga z'Imana, ntishobora kuguma aho, kuko Ibisunikira hanze. "Ndi Isoko y'Amazi y'Ubugingo. Baransize, kugira ngo bacukure ibitega."

<sup>74</sup> Noneho, isoko y'Amazi y'Ubugingo, turabimenya, isoko y'Amazi y'Ubugingo ni iki? Tumenye icyo igitega ari cyo, n'isoko y'Amazi y'Ubugingo icyo ari cyo? Ni byiza.

"Iriba ridudubiza, ibyo ni ibiki, Mwene Data Branham?"

Ni iriba rihora ridudubiza kandi rigasuka amazi yaryo hanze. Ritemba igihe cyose. Ni isoko y'amazi atemba. Buri gihe gishya kandi gisukuye, iriba rya artesiyani, isoko y'amazi y'ubugingo. Ntabwo yapfuye kandi ngo ibe ibiziba. Ni nzima, ihora ihinduka, kuzana ikintu gishya igihe cyose, gikomeza, kiva mu bikoreho byacyo. Ikuramo ibikoreho byayo—kuva ku buriri bwayo, ikaba i...haracyari isoko y'amazi mazima atemba. Kwiyuhagira; ni amazi meza, ayunguruye, amazi asukuye. Ni ukwishyigikira; ntugomba gutegereza imvura ngo yuzuze ikigega cyayo. Gihora gisendereye, gitanga amazi y'ubuntu. Ntugomba kuvapompa, kukinyeganyeza, kugikanda, cyangwa kugihombanya. Ni isoko y'amazi mazima.

<sup>75</sup> Murabizi, mufata ibi bitega bishaje, mugomba kugishitura, kugishitura, kugishitura, hanguma mukagipompa n'ibindi byose, kugira ngo mumene ayo mazi adatemba. Ayiwe!

Ariko Isoko y'Amazi mazima Irayadudubiza, ku buntu, nta gupompa, gufatanya, n'ikindi kintu cyose. Yoo, Nishimiye iyo Soko! Yego, mugenzi!

<sup>76</sup> Ntabwo ikeneye umwitozo kuri Yo, kugira ngo ikuremo parazite. Kuri, Iraza igafukura, hariya mu Rutare, kugeza aho nta parazite n'imwe ihaboneka.

Ntibigombera kubanza kugira ubumenyi buhanitse kuri ibyo, ibyo ni byo, imikorere imwe y'ubwenge yatunganijwe n'abantu ikorerwa mu isi; igamije kukubwira, imbere ya muganga w'indwara zo mu mutwe, ko waba ushoboye kubwiriza cyangwa utabishoboye. Ntabwo ifite imwe muri iyo myenda yanduye imanitseho. Yabisunika ako kanya ukimara kubishyira hariya. Ntushobora kubikora. Iriba rihora ridudubiza, igihe cyose. Ushyizemo kimwe mu bitambaro, ryahita rikijugunya hanze ku ruhande rumwe cyangwa ku rundi. Ntabwo rifite umwanya wo gutakaza ku nzego z'amadini kuri yo.

<sup>77</sup> Ntabwo ikeneye kuyungurura, nta kayunguruzo, nta pompe, nta kunyeganyezwa, nta kindi. Arahari gusa, asendereye. Ntabwo bigomba guterwa n'imvura yaho kiri kugira ngo cyuzure. Imvura ni "ububyutse," aho iyo Soko... Aho ni kuri iyo Soko ry'Ubugingo. "Aho Intumbi iri, ni ho inkongoro ziteranira." Ntimugomba guhagurutsa ububyutse; ntimugomba kugira ikintu na kimwe muhagurutsa. Gusa ikintu mugomba gukora ni ukuza ku Isoko gusa. Buri gihe yuzuye ibyiza, amazi meza, kandi ntagira iherezo Ryayo. Ikomeza kududubiza gusa.

<sup>78</sup> Ntimugomba kujya ku kidendezi, hanyuma muvuge ngo: "Ni byiza, niba imvura iguye ikoza ikigega, tuzabona icyo tunywa." Murareba? Mbega, mbega! Ntabwo ari ibyo. Iriba rya ariteziyani risohorana amazi meza, akonje igihe cyose. Mushobora gushingira kuri ryo. Ntimugomba kuvuga ngo: "Ni byiza, nzajya kuri iri riba rishaje. Twahoze turinyweramo, ariko ntabwo imvura imaze igihe kinini. Ndabibabwiye, bishobora kuba ryarakamye."

<sup>79</sup> Ni uburyo bumwe muri iyo mikorere yashyizweho n'abantu. Mushobora kwinjira, niba mwarabonye ikintu kinini kigenda, ahantu hanini ho gucururiza ibintu, cyangwa—cyangwa ubwoko runaka bw'ikintu kihakorera, ibirori binini n'ibindi byahabera, imikino y'urusimbi, n'ibirori nyubako yo hasi, n'ibintu byose, mushobora kuhagera mukabona inzu yuzuye.

Ariko aho mugiyeye aho iyo Soko idudubiza, buri gihe, abantu bahari babona ikinyobwa cyiza, gikonje cy'amazi yo kunywa. Mushobora gushingira kuri icyo! Mukavuga muti: "Ntabwo bamaze imyaka icumi bafite ububyutse." Niba mutuye kuri iyo Soko, Buri gihe muba mufite ububyutse bukomeza.

<sup>80</sup> Nk'uko Welshman yabivuze. Cyangwa, igihe kimwe ubwo ububyutse bwa Welsh bwakomezaga, hari hari abanyacyubahiro baturutse mu Ntara. Bamwe muri aba Dogiteri bakomeye

b'Iyobokamana bagiye muri Wales, kugira ngo bamenye icyo ibi byose byari bigamije. Bari bafite rero amakora yabo ahindurijwe, n'ingofero zabo, hanyuma bakagenda mu muhanda.

Nuko hano haza umupolisi muto, azungurutse ndembo ye ishaje mu ntoki ze, agenda avugiriza ngo, "Munsi y'umusaraba aho Umukiza wanjye yapfiriye, hepfo hariya kubera guhanagura ibyaha ndarangurura; aho ku mutima wanjye Amaraso yarakoreshejwe, icyubahiro kibe icy'Izina Rye," ngendagenda mu muhanda.

Bati: "Uyu arasa nk'umunyamadini. Turajya kumubaza." Baravuga bati: "Databuja!"

Aravuga ati: "Yego, mugenzi?"

Aravuga ati: "Turi hano muri Amerika. Turi intumwa. Twaje hano gukora iperereza ku bubyutse bwa Welsh, ni ko bwitirirwa. Turi Abahanga mw'Iyobokamama, kandi turi hano kugira ngo tubigenzire." Aravuga ati: "Turashaka kumenya aho ubu bubyutse buri, n'aho bukorerwa."

Aravuga ati: "Nyakubahwa, wahageze. Ndi uw'ububyutse bwa Welsh." Amina! "Ububyutse bwa Welsh buri muri njye. Aha ni ho bugeze."

<sup>81</sup> Uko ni ko bimeze iyo ubaye hafi y'iyi Soko y'Amazi y'Ubugingo. Ni ukubaho igihe cyose, idudubiza inshuro nyinshi, kandi iri hejuru cyane. Nta n'iherezo Ryayo. Ntabwo, "Genda urebe niba amazi, niba twaragushije imvura hano vuba aha," ntabwo ari byo. Ni yo Soko y'Amazi y'ubugingo. Nk'uko mbivuze, Itanga Amazi Yayo ku buntu.

<sup>82</sup> Ntibigombera gushyiraho igitambaro, kugira ngo uyipfundure; igitambaro cy'ubumenyi, 'mbere y'uko ushobora kumwohereza kubwiriza, ukabanza kureba niba yandika amagambo neza, azi kuvuga neza, niba akoresha amazina ye bwite n'amazina rusange, n'ibindi n'ibindi, hamwe na ntera. Benshi muri bo ntibazi icyo bari cyo, ariko aba kuri Isoko imwe gusa, murareba, ya yindi imwe.

<sup>83</sup> Ntabwo bisaba gutegurwa n'imvura yaho, kugirango cyuzure, cyangwa ububyutse bwaho, kubw'ibyo. Ntabwo kigomba gukora ibyo, kuko imbaraga zacyo n'ubuziranenge bwacyo biri imbere. Aho ni ho Ijambo riri, Imbaraga Zaryo Bwite! Iyaba umuntu yashobora kuryakira mu mutima we, rifite ubuziranenge Bwaryo. Rifite imbaraga Zaryo. Ni byiza mw'Ijambo Ubwaryo, risuka Ubugingo.

<sup>84</sup> Isiraheli yari iyi iza kujya kure Yaryo, yari kugira ibibazo. Igihe cyose babaga bagiye kure Yaryo, bagiraga ibibazo.

Nk'uko tubikora ubu. Iyo ububyutse bushize kuri Ibyo, ubwo ntibiba ari byiza. Ryikorogoshorera ubwaryo amariba amwe, kandi, cyangwa ibitega by'amazi y'ibiziba, ni uko bigenda.

<sup>85</sup> Ariko buri gihe Yarabafashaga. Bariitotombye bageze ku Nyanja Itukura, noneho ubwo bitotombaga... Nyamara, muri ibyo byose, Yari yarasezeranije, yarabahaye isezerano. Yagomba kuba yarabasubije inyuma aho, uburyo twagombaga kubireba; ariko Yari yarabasezeranije kubajyana hariya.

Yakoze iki? Abana ba Isiraheli, yabahaye Inkingi y'Umuriro n'ibintu byose, kubwo gutsindishirizwa, umuhanuzi wabo. Nuko babajyana ku nyanja. Kandi, buri gihe, hariho ibibazo byo kurirwanya. Dore haje Farawo n'ingabo ze. Ese muzi icyo Imana yakoze? Yafunguye icyo gitega gitukura, cy'ikidendezi.

Inyanja y'Umunyu ni cyo kintu cyahitanye abantu benshi ku isi. Mu by'ukuri yarapfuye. Ni ikiziba. Nta kintu na kimwe gishobora kubamo.

Yarayikinguye irababohora, hakurya. Yabajyanye aho batagomba guhambirwa n'ibindi nk'ibyo.

<sup>86</sup> Mu butayu, basanze ibigega bidashobora kwishingikirizwaho; byari byarakamye. Babimenye, bava ku mwobo umwe w'amazi baja ku wundi. Igihe bari mu butayu, bishwe n'inzara, kubera kutanywa amazi. Kandi bashoboraga kujya kuri iki kigega hejuru hano, icyuzi; cyari cyarakamye. Baja ahandi hantu; cyarakamye. Gusa ntibashoboraga gutekereza ko baazigera babona icyo kunywa.

Hanyuma ahantu hadashoboka cyane mu butayu bwose, babonye amazi. Yari mu rutare. Yari mu rutare. Ahantu bidashoboka cyane ko umuntu yabona amazi ayo ari yo yose, hashoboraga kuba mu rutare rwumye hagati mu butayu. Ariko, murabona ko, Imana ikora ibintu nk'ibyo. Ahantu hadashoboka cyane, mu buryo budasanze. Ni byo twahoranye.

<sup>87</sup> Batekereza ko tugomba kugira amadini manini, hamwe, nimubareke bese bahuze kandi bafite icyo bahacukuzza gikomeye kinini, n'ibindi, no kubona ibihumbi byo gufatanya, n'ibindi byose nk'ibi, kugira ngo bagire ububutse.

Igihe kimwe Imana ifata umusore muto utari uzi na ABC, kandi neza neza hagati y'abantu batazi gusoma no kwandika bamenya bigoranye ikiganza cyabo cy'uburyo n'icy'ubumoso, Ashobora kuzamura ububutse buzanyeganyeye isi. Yabikoze mu gihe cya Yohana. Yabikoze mu gihe cy'abahanuzi. Nta n'umwe muri bo, nk'uko tubizi, ntabwo bigeze biga, ariko Imana yashoboraga kubafata ikagira icyo ikorana na bo.

<sup>88</sup> Muri uru Rutare havuyemo amazi. Yari Urutare. Maze Ategeka uru Urutare, kandi rwagombaga gutoborwa. Kandi Rwatanze amazi menshi meza, afutse, asukuye ku bantu bese bagombaga kunywa. Yarokoye abarunyweweyeho bese. Birasa neza no muri Yohana 3:16.

*... Kuko Imana yakunze abari mu isi cyane, byatumye itanga Umwana wayo wikinege, ... kugira ngo*

*umwizera wese atarimbuka, ahubwo ahabwe ubugingo buhoraho,*

<sup>89</sup> Imana yakubise urwo Rutare, i Karuvari. Urubanza rwacu rwari kuri Yayo, kugira ngo kuri Yo haturukeUmwuka w'Ubugingo wo guha wowe nanjye Ubugingo Buhoraho. Nguwo umugani wuzuye wabyo, ahongaho muri ubwo butayu.

<sup>90</sup> Ntibagombaga gukurura, gucukura, gupompa, cyangwa ikindi kintu cyose; keretse gusa gufata inzira Ye yateguye, ku buntu. Iyo, ntibagombaga kuyacukura mu cyuzi. Ntibagombaga kuyavoma bifashishije indobo. Ntibagombaga kwifashisha igikoresho kugira ngo bayagereho. Bagombaga kuyakurikiza gusa.

Kandi ibyo byose biriho ubu. Nta kintu mugomba kwinjiramo. Ntimugomba kujya ku gicaniro ngo mugire ikintu mukora, ngo mugihata. Ntimugomba kuvuga ijambo inshuro nyinshi, kugeza igihe mubonye mucanganyikiwe n'ururimi. Gusa ikintu mugomba gukora ni ukumurikiza gusa, ku buntu, inzira Imana yatanze. Nta guhata, nta gusunika, nta kintu na kimwe; mubifate gusa, ku buntu. Ntacyo mugomba gukora; ni ukubikurikiza gusa. Ni uko bimeze, mubyemere gusa. Ibyo ari byo byose icyo ni cyo nshoboye kubivugaha.

Ntibigeze bagira icyo babikoraho. Ntabwo bagombaga gucukura ku by'ibyo. Ntabwo bigeze bamanuka barira ijoro ryose, kubw'ibyo. Barabikurikije gusa; byari bihebuje kandi biteguye. Ni byo.

<sup>91</sup> Ndabona umugabo nonaha, wicaye inyuma hano mu cyumba. Ndibuka ko nabimubwiye, umunsi umwe turi ku kiraro gishaje, hafi y'ururiro rw'amatungo.

Nuko aravuga ati: "Ariko simerewe neza."

<sup>92</sup> Naravuze nti: "Nzi ko atari ko umeze." Nuko ndavuga nti: "Ibyo ari byo byose, nje si ko meze." Ariko ndavuga nti: "Urimo kureba icyo uri cyo. Reka kureba icyo uri cyo, maze urebe icyo Ari cyo."

Aravuga ati: "Niba nashoboraga kureka itabi, Mwene Data Branham, nje—nje—nje naba Umukristo."

<sup>93</sup> Ndavuga, "Ntukaryikureho. Urimo kugerageza kuba mwiza noneho ngwino Umusange. Ntiyigeze aza gukiza umuntu mwiza; Yaje gukiza umuntu mubi wari uzi ko ari mubi."

Aravuga ati: "Ni byiza. . ."

Ndavuga nti: "Umva, ntushaka kujya ikuzimu, si byo?"

Aravuga ati: "Oya."

<sup>94</sup> Naravuze nti: "Ni byiza, ntabwo Ntibikabe. Yarapfuye kugira ngo utajyayo."

Aravuga ati: "Mbese nakora iki?"

Ndavuga nti: "Ntacyo. Ni ibyoroshye gusa."

Aravuga ati: “Ariko iyaba nashoboraga kumenya. . .”

<sup>95</sup> Ndavuga nti: “Ngaho genda, wongere usubire kuri iryo tabi. Ureke gukomeza gutekereza kuri itabi. Gusa wibuke, utekereze kuri We, ibyo Yakoze, icyo We ari cyo; atari icyo wowe uri cyo. Nturi mwiza; kandi ntiwigeze uba we, kandi ntuzigera uba we. Ariko, icyo We ari cyo, ni We!” Nuko ndavuga nti: “Noneho, ikintu kimwe gusa ugomba gukora; niba We yarafashe umwanya wawe, wemere gusa ibyo We yakoze. Ikintu ugomba gukora ni ukwemera gusa.”

“Kubera iki,” aravuga ati: “ibyo biroroshye. Nzabikora.”

<sup>96</sup> Ndavuga nti: “Dore umuyoboro.” Murareba? Naramuzanye hano ndamubatiza mu Izina rya Yesu Kristo.

Bamwe mu bantu be bicaye hano, nanjye—nanjye nzi ko banyumvaga nk’usekeje ndimo kubikora, ariko nari nzi ibyo nkora. Nabonye muri uwo mugabo ikintu cy’ukuri. Nashoboraga kukimubonamo, ndamujyana ndamubatiza mu Izina ry’Umwami Yesu.

Kandi, igihe twakoraga ibyo, ntibyatinze nyuma y’ibyo kugeza igihe naje kumanukira mu rugo rw’umuhungu we. Twabonye i—iyerekwa ry’igiti cyaguye ahantu runaka, maze umugabo aragwa, hafi kuvunika umugongo. Namujyanye mu bitaro. Muri iryo joro, Uwituka yampishuriye ko, ryari ryo herezo ry’itabi.

Bukeye bwaho yumvaga ashaka itabi. Ndavuga nti: “Nzamugurira ikarito nyimushyire. Murebe gusa kandi mwitegereze, iminsi ye y’itabi yari ku iherezo.” Kuva icyo gihe ntabwo yongeye kunywa itabi, kandi kuva icyo gihe ntiyigeze arishaka. Mana we!

<sup>97</sup> Murareba, ikintu cya mbere mugomba gukora ni ukuza kuri iyo Soko. Mugomba kuza kuri ayo mazi, mukamenya ko nta kintu mwabasha gukora. Ni icyo Yabakoreye. Ntimugomba gucukura; ntimugomba kuvoma; ntimugomba kureka *ibi*; ntimugomba kureka na *biriya*. Gusa icyo mugomba gukora ni ukugerayo mukanywa. Ibyo ari byo byose. Niba mufite inyota, munywe!

<sup>98</sup> Noneho, yari Urutare. Imana Yaramukubise, kandi yatanze amazi menshi, meza asukuye. Aracyakora, n’uyu muni, ku bantu bose bizera. Ubu ni ubuntu Bwe, mu by’ukuri, ku bantu Be, twebwe.

<sup>99</sup> Hariho ibintu bimeze nk’aho, nk’abantu bo muri iki gihe, biteguye kwakira ibyo bashobora kubona, ariko ntibashake gukora umurimo w’in-yiturano uwo ari wo wose. Isiraheli yari yiteguye ku—kunywa ku rutare ubungubu, ariko ntibashakaga gukorera Imana umurimo Wayo bayigombaga.

<sup>100</sup> Kandi Ihora idukoreramo umurimo. Murabizi, ntidushobora no guhumeka Yo tutayifite. Ntidushobora guhumeka tudafite

umurimo dukorerwa n’Imana. N’uburyo twishingikirije kuri Yo. Kandi, nyamara, biducamo ibice bibiri iyo tugerageje gukora, tugomba kugira icyo tuyikorera. Iradusaba gukora ikintu runaka, genda urebe umuntu, genda usengere umuntu, genda ufashe umuntu, bisa n’ibituvuna, kubikora. Ariko ntidushaka kugira icyo tuyikorera.

<sup>101</sup> Ikirego Cyé cyari ngo: “Barantaye, Ijambo; nyamara, bemeye igitega gitobotse. Aho kwemera... Barantaye, nje Soko y’Ubugingo, Isoko y’Amazi y’Ubugingo; none barashaka kandi bahitamo kunywera ku gitega cy’amazi y’ibiziba.” Ntimushobora kubyiyumvisha?

<sup>102</sup> Ntimushobora kwiyumvisha umuntu ubungubu, ko, *hano* hari isoko ya aritesiyani gusa isohora ayo mazi meza, yo mu ibuye, avuye neza ku mutima w’ibitare, hepfo hariya aho umucanga uryamyé, n’ibindi n’ibindi, nk’ubukonje n’ibiziba bishoboka; kandi nahitamo kunywera mu iriba hariya, hari ayasukuriwe hejuru y’ikigega, n’inzu y’ubworozi, hamwe n’innyubako zose zisohoka hirya no hino? Kandi muyashyire neza aho muri icyo gitega, aho amazi acengera agatembamo neza yihuta, ava mu kigega, mu kiraro no mu mufurege, atembana ibintu byose agaruka ajya mu gitega, hanyuma turashaka kubye-... twari kunywera muri ibyo mbere yo kujya kunywera mu iriba rya ariteziyani? Hari kubaho ikintu kitagenda neza mu mutwe ku bantu. Ni byo.

<sup>103</sup> Kandi mu gihe umugabo cyangwa umugore bazafata idini bakarihagararaho, iryo rizabemerera umusatsi wogoshe, kwambara ikabutura, kwisiga amarangi, n’ibindi bintu byose, n’igisa n’ubwoko buto bwa ga—gahunda, kandi ibyo byose bigakorwa, kandi bashobora kujya mu myidagaduro, kandi—kandi ari ibintu byose bidafite umumaro hanze aho, ndetse ibyo bakabyihanganira; kandi bakabikunda kuruta Ijambo ry’Imana rya kera ricyaha kandi rigakosora, kandi rituma abadamu n’abagore, rikabafata rikabatera kwambara neza no gukora neza, rifata itabi n’isegereti, no kurahira no gutukana, no kubeshya no kwiba, rikabishyira kure yawe, n’isi yose ikajya kure yawe, rikaguha Ikintu cy’umunezero utunganye. Kuki umugabo cyangwa umugore bajya mu bintu nk’ibyo kugira ngo bahumurizwe? Ni gute mushobora kubona ihumure muri ibyo?

<sup>104</sup> Ni gute mushobora kubona amazi meza mu gitega cy’amazi adatemba? Kuki umuntu yabikora... Niba umuntu yagiye ku gitega kidatembera kugira ngo abone icyo kunywa, mu gihe hari iriba rya ariteziyani rifunguye neza, wagira uti: “Hariho ibitagenda neza mu mitekerezere y’uwo muntu.”

Niba kandi umugore cyangwa umugabo bagiye ahantu nka’ho kugira ngo babone ihumure, hari ikintu kibi cy’umwuka kuri uwo muntu. Ntibashaka Ijambo. Byerekana ko kamere yabo ikiri igikeri, cyangwa umuhini, cyangwa ikindi kintu, ni byo,

ikintu cy'imiterere nk'iyoye gikunda kiriya kidendezi cy'amazi y'ibiziba, kuko ibintu nk'ibi ntibizatura mu kidendezi cy'Amazi meza. Ntibishobora kubikora; ni Amazi meza. Ntibishobora kubikora.

<sup>105</sup> Noneho, ikirego cyari ngo: “Barabiretse.” Uyu muni kandi bakoze ikintu kimwe.

Noneho nimurebe umugore ku iriba. Ni byiza, yazamutse ku iriba rya Yakobo, kandi yavomaga amazi buri gihe, ku iriba rya Yakobo. Ariko iriba rya Yakobo, idini, ni ko twaryita, 'kuko yafukuye atatu muri yo; n'iri naryo ryari ryarafukuwe. Noneho, yari afite inkuru nziza. Yaravuze ati: “Noneho, sogokuru yafukuye iriba, Yakobo. Yarinywerekanyemo, amatungo ye arinywerekanyemo, n'ibindi byose. Ntabwo ari byiza mu by'ukuri?”

<sup>106</sup> Yaravuze ati: “Ariko amazi uvoma aho, wakongera ukagira inyota, ugomba guhindukira hano kugirango uvome. Ariko,” aravugaga ati: “Amazi nguhaye ni Isoko, Geyser isuka amazi avamo imbere aturukamo imbere, kandi ntimuzongera kugaruka hano kuvoma. Ari iruhande rwawe.”

<sup>107</sup> icyitonderwa. Ariko amaze kubona ko Isoko yo mu Byanditswe yamuvugishije, akoresheje ikimenyetso gishingiye ku Byanditswe ari cyo yashakaga, yavuye muri gahunda y'amadini ya Yakobo kandi ntiyigeze ayisubiramo, kuko yari yabonye Urutare nyarwo. Murareba? Yirukiye mu mujyi. Asezerera icyaha. Ntiyongeye kuba umugore mubi. Yaravuze ati: “Nimuze, murebe Uwo duhuye, Umugabo wambwiye ibyo nakoze. Mbese nyine Uyu si we Kristo?” We . . . Iri riba rishobora kuba ryari ryiza; ryari ryarakoresheje intego zaryo. Noneho yari ku Isoko nyayo. Igitega cyari cyimeze neza kugeza Isoko nyayo ifunguwe. Ariko icyo Isoko nyayo ije, igitega gitakaza imbaraga. Yasanze hari ahantu heza ho kunywa.

<sup>108</sup> Kandi hari ahantu heza. Hano hari ahantu heza, kandi ni muri Kristo. Muri Mutagatifu Yohani 7:37 na 38, Yesu yaravuze, nyuma y'umunsi mukuru w'amahema ati: “Niba hari umuntu ufite inyota, n'aze aho Ndi, anywe.”

Bose barishimye. Bari bafite amazi make ava muni y'urutambiro, kandi—kandi hariya bese barunyweragamo, mu rwego rwo kwizihiza ibirori, by'i—by'umunsi mukuru. Nuko aravugaga ati: “Ba sogokuruza banywerekanyeye ku rutare rwo mu mwaka mu butayu.” Murareba, bari barifukuriye igitega, amazi amwe yarahagaze bavoma ahantu runaka, bayasunikira muni y'urusengeru rwaho. Kandi bese bazengurukaga aya mazi bakanywa, bakavugaga bati: “Mu myaka yashize, ba sogokuruza banywerekanyeye mu butayu.”

Yesu yaravuze ati: “Ni njye rwa Rutare rwari mu butayu.”

Baravugaga bati: “Twariye manu yo mw'Ijuru, Imana yarayigushije.”

109 Ati: “Ni nje Manu.” We, ya Soko, yari ihagaze hagati yabo. Wa Mugati w’Ubugingo wari uhagaze hagati yabo.

Kandi nyamara ntibabishakaga. Ahubwo bahitamo kugira igitega cyabo; kubera ko, umuntu yaremeye *ibi*, nuko Imana yohereza na *biriya*. Iryo ni ryo tandukaniro rwose. Ubwabo bicukuye ibitega!

110 Yaravuze ati: “Umuntu wese ufite inyota, aze aho Ndi, anywe,” We ya Soko, “kandi, nk’uko Ibyanditswe bivuga, mu nda ye hazatamba imigezi y’Amazi y’ubugingo.” Yoo, Ni we ya Soko ya Ariteziyani! “Mu nda ye,” cyangwa mu ndiba y’imbere muri we, “Hazatamba inzuzi z’amazi y’Ubugingo.”

111 Ni Urutare, rwarimo. . . Urwo rwari Urutare rwa Hagari, mu gihe cy’amakuba; igihe umwana we yari hafi gupfa, igihe yari amaze kwirukanwa mu nkambi, akaba yari ari hanze hamwe n’umwana Ishimayeli. Amazi ye, mu gitega cye yari arimo gupakira, yari yavuye. Ashyira hasi Ishimayeli; aragenda, umuheto urashe, arataka, kandi, yemwe, kubera ko atashakaga kubona umwana apfa. Nuko icyarimwe, Malayika w’Umwami aravuga, nuko asanga Ber- . . . Berisheba, i—iriba hariya ryaratembaga, kandi riracyatamba kugeza na n’ubu. Yari Ber-Berisheba wa Hagari, Urutare hanze aho mu butayu.

112 Rwari ruhagaze hano mu Isoko yuzuye Amaraso, uwo muni, ahagaze mu rusengero. [Ahantu hatagaragara kuri kaseti—Ubwanditsi.] . . . mu gihe cy’umuyaga. Muri Zakariya igice cya 13, ni We Soko ikinguye mu nzu ya Dawidi, yo kweza, no (guhanagura) icyaha. Yari Isoko. Kandi muri Zaburi 36: 9, Yari Isoko y’Ubuzima ya Dawidi. Aracyari Isoko mu nzu ya Dawidi.

Kandi Ni umusizi, mu mutima we hariya. Umusizi yaravuze ati:

Hari Isoko yuzuye Amaraso,  
Yaturutse mu mitsi ya Emanweli,  
Ubwo abanyabyaha bagwaga muni  
y’umwuzure,  
bagatakaza amakosa yabo yose.

Ni We ya Soko y’Ubugingo, Hejuru y’amazi. Ni Ijambo ry’Imana.

113 Abantu bo muri iyi minsi ya nyuma baramutaye, Ijambo ry’ukuri, Amazi y’Ubugingo; kandi yikorogoshoreye ibitega by’amadini; kandi, na none, yarakorogoshowe, arafukurwa!

114 Noneho ubu turabimenye, ko bari bafite ibitega bitobotse. Noneho iki gitega cyuzuyemo mikorobe zitizera, kwirata kutizera, gahunda z’uburezi, n’ibindi, bikaba binyuranye n’amasezerano y’Imana. Ni abashidikanya ku Ijambo.

115 Noneho, ibyo bitega bari bafite, Bibiliya yavuze ko, byari “bitobotse.” Igitega gitobotse, ni igitega “cyamenetse” kandi kiva. Gikora iki? Kirimo kwinjira mu mwobo w’idini witwa

Inama Mpuzamadini ku Isi. Kandi aho ni ho ibitega bitobotse bibayobora biberekeza, byose kuko bamutaye, kandi afite... Isoko y'Amazi y'ubugingo; maze bikorera ibyo bitega.

<sup>116</sup> Bcukumbura imikorere minini ya seminari yo kwiga, uburezi, n'ibindi. Ni ubwo bwoko bw'ibitega barimo gucukura uyu muni, ko umugabo agomba kugira Ph.D., cyangwa LL.D., cyangwa Bachelor of Art, cyangwa ikindi, mbere y'uko ashobora kujya kubwiriza. Amariba yuzuyemo tewolojiya yakozwe n'abantu. Babajyana muri aya mashuri akomeye yo kwiga, kandi aho ngaho babajugunyamo tewolojiya yabo yakozwe n'abantu, bakaboherezayo hamwe n'ibyo. Mbega iminsi tubayemo, amariba yakozwe n'abantu! Nta kibazo Uwiteka... Ntubitangaje kubona ikintu cyabaye u—umunuko, yewe, mbega, ni ukubera ko abantu banywa ibyo bintu.

<sup>117</sup> Ese iyo abantu bashaka umunezero uyu muni, bakora iki? Abantu, aho kwakira umunezero w'Uwiteka, bahindukirira icyaha, kubera umunezero. Abantu bajya mu rusengero bakavuga ko ari abakozi ba Kristo, iyo bagize uburakari nyabwo bakongeza itabi. Kandi iyo i—igihe bashakiye kwi—kwinezeza, bakomera ku ngeso yabo y'ubusambanyi hanyuma bagasohoka bagakata ibyatsi mu gihe umugabo arenga, kugira ngo abone kubavugirizaho. Bakora ibishoboka byose kugira ngo bakundwe. Bashaka kumera nk'ibirangirire bya firime. Ni byo byishimo byabo.

Igihe, Yesu yavugaga ati: “Ni nje gisubizo cyabo.”

Impamvu bajyaye, ni uko badashaka kunywa kuri iyo Soko. Barabyanze. Ntibashaka kuyinyweraho. Bifataniye nabo mu buryo bumwe bw'imikorere yakozwe n'abantu, ubwoko bumwe bw'igitega cyuzuye ibintu byose bidatembera, ku buryo bishobora kugenda gutya.

<sup>118</sup> Ejo, twazamukanye n'abana hejuru y'uruzi. Ndizera ko hari kuwa Gatandatu mu gitondo. Twaramanutse; Billy yari arimo kurobera mu bwato. Twafashe abana, umwuzukuru wanjye muto na bo, umukobwa wanjye, n'umuhungu wanjye muto, hanyuma tuzamuka ku ruzi gu—gufata ubwato. Ntushobora no gufatira ubwato ku mugezi, ku bantu basa nabi, banduye, basebanya aho mu ruzi, bambaye ubusa igice kimwe kandi bikoreye. Ubwato bwahagaze iruhande rwacu, itsinda ry'abahungu bato cumi na babiri-, bafite imyaka cumi n'ine, buri wese afite icyo kunywa ashoboye mu kiganza cye, n'itabi. Babyita “kwishimisha.” Yoo, mbega! Iyi si ishobora kumara igihe kingana iki, hamwe n'imikorere nk'iyi?

<sup>119</sup> Noneho kwigobotora mu bitekerezo ko nibapfa bazajya ikuzimu, ikintu bakora, baragenda bifatanyaga na bimwe muri ibyo bitega byakozwe n'abantu. Ubwo bwoko bumwe rero bw'abantu buri muri urwo rwobo. Nta kindi usibye itsinda ry'umwanda wanduye, udatunganiye w'Isi. Kandi bifatanyaga na

bo kuko, nk'uko nyogokuru yabivuze ati: "Inyoni zo mu bwoko bumwe zigurukira hamwe." Ntabwo bashaka kuza ku Isoko kandi bahanagurwa muri ubwo buzima bw'icyaha. Bashaka kubibamo, kandi bagifite ubuhamya ko ari Abakristo. Kubera iki? Bamuteye umugongo, Isoko nyayo y'ibyishimo, Ubuzima, Ubuzima butunganye no kunyurwa. Ni nayo mpamvu babikoze, kuko bo bashaka kwishyira hamwe. Bafite ubwoko runaka bw'abantu bemera ibyo bintu.

<sup>120</sup> Hano ntabwo hashize igihe kinini, mwene Data Fred na nje, na mwene Data Tom, itsinda ryacu twagiye mu rusengeru ruzwi cyane rw'Ababatisita mu muji wa Tucson, kureba niba tudashobora kubona ikintu gito cyaduha wenda ibiyumvo bishya. Nuko umukozi w'Imana avuga ikindi kintu ku baturage bo mu Misiri, igihe bavagayo barya tungurusumu n'ibindi, bashakaga gusubira inyuma bakarya ibyo. Aravuga ati: "Ni cyo kintu kimeze nk'abantu bo muri iki gihe."

Kandi, natwe, abantu bose turavuga tuti: "Amina!" Sinigeze mbona agatsiko nk'ako! Itorero ryose ryaretse gukurikira umubwiriza maze risubiza amaso inyuma kugira ngo rirebe uwo ari we uwo wavuze "amina." Bikunda kubatera ubwoba kugeza gupfa. Ntabwo bari bazi icyo ari cyo.

Igihe, Dawidi yavugaga ati: "Nimutakambire Uhoraho. Mumucurangire inanga! Mumucurangire nebelu! Reka ikintu cyose gifite umwuka gihimbaze Uwiteka. Nimushimire Uhoraho!" Imana yishimira ubwoko Bwayo. Nibareke abize, bavuge, "Amina," mu gihe ikintu cyose kivuzwe neza.

<sup>121</sup> Kubera iki mutahindukira mukava muri mikorere n'ibitega by'isi, mukajya kuri gahunda yizerwa y'Imana, ari ryo riba rya ariteziyani, Yesu Kristo? Kuki mutamuhindukirira, aho Imana ari yo iduha umunezero mwinshi, ibyo dutanga byinshi mu bisingizo, ibyo dutanga byinshi mu buryo bushimishije? Gutuza kw'imitsi yanjye biva ku Mana.

Iyo njanjaguritse, mbona kunyurwa kwanjye muri Kristo, ntabwo ari mu itabi, ntabwo ari mu bintu by'isi, nta n'ubwo ari mu guhuza imyizerwa imwe; ahubwo ni mu kumushaka, hari Ijambo ryasezeranijwe Yavuze, "Ninagenda, nzagaruka kubakira." Muri ibyo ni ho mbonera umunezero wanjye. Ni We Byishimo byanjye.

<sup>122</sup> Bavuga uyu muni, mu guhuza ibyo bintu no gukora iyi Nama y'Isi Mpuzamadini, ko bagiye gukora ahantu heza ho gutura. Ku gitekerezo cyanjye cy'inyangamugayo, bagiye gukora ahantu heza ho gucumurira. Ni byo gusa. . . Ibintu byose ni icyaha, uko byagenda kose; si ukukibamo, ahubwo ni ugupfa. Gukora ahantu hacyo ho gucumurira, aho gutura.

<sup>123</sup> Ikindi kintu icyo ari cyo cyose, hanze ya Yesu Kristo n'Ijambo Rye ry'Ubugingo, ni igitega gitobotse. Ikintu cyose kigerageza kubisimbura; ikintu cyose mugerageza gukora kugira

ngo muzane amahoro, ikintu cyose mugerageza gukora kugira ngo kibahumurize, ubwoko bwose bw'ibyishimo mwakiriye mu bindi byose, nkibisimbura Ibi, ni igitega cyatobotse cyuzuye umwanda. Atanga kunyurwa byuzuye.

<sup>124</sup> Ndibuka hano, impeshyi zashize, narasohotse njya hanze y'umuryango w'inyuma. Hari umusore w'inkubaganyi hariya wambwiye, ati: "Urabizi, impamvu uhora uvuga ku bagore nk'abo, bambaye ikabutura n'ibindi," Aravuga ati: "ni kubera ko uri umuntu ushaje." Ati: "Ni yo mpamvu."

Ndavuga nti: "Reba hano. Ufite imyaka ingaha?"

Aravuga ati: "Makumyabiri n'irindwi."

<sup>125</sup> Ndavuga nti: "Igihe nari muto cyane kukurusha, nabwirije ikintu nk'iki."

Nabonye Isoko yo kunyurwa. Ni wo mugabane wanjye. Amina! Mu gihe cyose ikiyitanga, ubwo ni bwo bwiza. Ni byo—ibyoni byanjye. . . Ni byo ibihangano byanjye, kumureba, kureba ukuboko Kwe gukora no kureba icyo Akora. Nta yindi soko nzi!

Yoo, y'igiciro idudubiza,  
Ibyo bintera kuba umweru nka shelegi;  
Nta yindi Soko nzi,  
Nta kindi kintu uretse Amaraso ya Yesu.

Hari Isoko yuzuye Amaraso,  
Yaturutse mu mitsi ya Emanweli,  
Aho abanyabyaha barohamye muni  
y'umwuzure,  
Bagatakaza ibicumuro byabo byose.

<sup>126</sup> Ndababwiye, nta yandi masoko nzi uretse iyo Soko. Yaranyogeye ubwo nari mfite umwanda. Bituma ngira isuku, kuko nshaka kubaho neza Kuri Yo, nywa aya Mazi meza yuzuza umutima wanjye umunezero.

Nshobora kugwa hasi burundu, kandi nkumva ko ntashobora kugenda i. . . indi nshuro, nta handi nshobora kujya; noneho nshobora gupfukama ngashyira urutoki rwanjye ku masezerano, nkavuga nti: "Mwami Mana, Uri imbaraga zanjye. Uri ukunyurwa kwanjye. Wowe uri byose-muri-byose." Nshobora gutangira kumva Ikintu gitumbiye imbere muri nyewe aho ngaho. Nkaktivamo.

<sup>127</sup> Nk'uko maze imyaka mirongo itanu, mbyuka mu gitondo, muzi uko bimera, ntimushobora gukura ukuguru kumwe ku buriri. Wanjye, ntushobora kubikora biragoye; kandi hari umuntu uri ku rugi, akomanga, cyangwa Billy ambwira ko hari ibyihutirwa, ahantu ngiye kujya. Kandi ndatekereza nti: "Ese nabikora nte?" Mugerageze gushyira ikirenge kimwe hanze.

Ndatekereza nti: "Uri Isoko yuzuye imbaraga zanjye. Amina! Imbaraga zanjye n'ubufasha bwanjye biva ku Uwitaka. Wowe

uri iriba ryanjye rya ariteziyani neza! Uri ubusore bwanjye! 'Abategereje Uwituka bazongera imbaraga zabo; Bazamure amababa nk'ikizu; baziruka, ntibarambirwe; bazagenda, kandi ntibazacogora.' Mwami Mana, izi ni inshingano zanjye, kugenda. Nahamagawe ku mwanya w'akazi." Kandi ikintu cya mbere mwamenya, ni uko hari Ikintu gitangiye kubyiganira imbere muri nje.

<sup>128</sup> Ejobundi, ahantu hato, nakoresheje amateraniriro hano i Topeka, Kansas; hari umuhungu, umubwiriza ukiri muto, umwe mu baterankunga ba mbere. Mwene Data Roy, wicaye hano, aribuka aho hantu. Muri, muri aha hantu heza hari, hari i-i. . . Uyu mukozi w'Imana yari yinjiye muni y'inzu cyangwa ahantu, akayira kegereye umuhanda muni yaho. Umuvandimwe muto yari agiye gupfa. Umwijima we waturitse. Uruhago rwe rwavuye mu mwanya warwo. Tons yamugezeho.

<sup>129</sup> Nari nicaye mw'ifunguro rya mu gitondo, mvugana n'umugore. Ndavuga nti: "Mugorewanjye, urabizi, iyo Yesu az kuba hano, uzi icyo yari gukora?" Ndavuga nti: "Igihe yanteraga inkunga, 'Nizera ko Jambo,' yateraga inkunga Kristo." Nuko ndavuga nti: "Ayo ni amayeri ya satani." Naravuze nti: "Iyo Yesu aza kuba hano, Yari kugenda akamurambikaho ibiganza byera. Uwo muhungu yari gukira. Sinzi niba umwijima we waturitse. Yakira, kuko Yesu yari kujyayo azi neza Uwo ari We. Yari azi umuhamagaro We, Ibyanditswe byari ukuri, bihamiriza muri We ko Azi Uwo Ari we, kandi ntabwo a. . . nta gicucu cyo gushidikanya. Yamurambikaho ibiganza, akavuga ati: 'Mwana, mererwa neza,' sohoka aho." Nanjye ndavuga nti: "Nta madayimoni ahagije i kuzimu yakwica uriya muhungu, noneho." Ndavuga nti: "Yari gukira." Ariko ndavuga nti: "Urabona, mukundwa, Yari Yesu, ikiganza cyera cy'Imana."

Ndavuga nti: "Ndi umunyabyaha. Navutse biturutse ku mibonano mpuzabitsina. Data na mama bombi bari abanyabyaha, kandi ndi ikintu kitari-cyiza gusa."

Nuko ndavuga nti: "Ariko urabizi? Niba Uwituka yarampaye iyerekwa akanyohereza hepfo aho, ubwo byari kuba bitandukanye." Ndavuga nti: "Namanuka nkamurambikaho ibiganza, yari kubyuka muri ubwo buriri Aramutse ampaye icyerekezo."

<sup>130</sup> Hanyuma naje gutekereza nti: "Ubundi, niba ari iyerekwa, byari ibiki? CByari ikiganza kimwe cyanduye kuri we, aha-ah, umugabo umwe aramusengera, cya kiganza cyanduye."

Hanyuma ntangira gutekereza nti: "Ni nje umuhagarariye. None, Imana ntimbona. Ayo Maraso y'uwo mukiranutsi aryamye hariya ku gicaniriro; arimo kunyingingira. Ni We umpagije. Ni isengesho ryanjye. Ni Ubuzima bwanjye." Naravuze nti: "Ikintu cyonyine cyantera kumurambikaho ibiganza byanjye, hamwe no kwizera, ni ukubera ko nagize kwizera mu iyerekwa. Kandi

udafite iyerekwa, kwa kwizera kumwe kwakora ikintu kimwe; Ntabwo rero nshobora kwibara ubwanjye ntacyo ndi cyo, ariko We nkamubara ko Ari byose kuri njye. Ni We Buzima bwanjye. Ni Umuyobozi wanjye. Nta dini ryantumye; ni We wantumye. Haleluya! Ngenda mu Izina Rye. Nzamurambikaho ibiganza.” Yaramanutse hariya maze ashyira arambika ibiganza kuri uriya muhungu, kandi muri iryo joro yari mu materaniro, neza. Amina!

<sup>131</sup> Yego, yego, Ni We Soko. “Nta yindi Soko nzi. Nta kindi uretse Amaraso ya Yesu!” Ndi umunuko, narigometse, buri wese muri twe, ariko imbere y’Imana turi intungane. Je- . . . “Ba intungane rero, nk’uko So wo mw’Juru atunganye.” Mwaba yo mute? Kubera ko hari Umwe utunganye uduhagarariye yo. Iyi Soko irahari buri muni, iradudubiza. Ntabwo ari imwe idatamba igendamo ibintu, ahubwo irafutse buri muni, ihanagura ibyaha byanjye byose. Ni We ya Soko.

<sup>132</sup> Noneho mu gusoza, ndashaka kuvuga kuri ibi. Ikintu cyose gitandukanye n’iki ni igitega gitobotse, kandi amaherezo bizarangira kivuye ibyo washyizemo; niba ushyira ibyiringiro byawe byose, umwanya wawe wose, n’ibindi byose, muri kimwe muri abyo bitega bitobotse. Yesu yaravuze ati: batoboye ibitega. Imana yaravuze iti: “Barabitoboye, kandi bizasohora ikintu cyose washyizemo.” Ntushobora kujya kure yabyo, kubera ko bizasohoka. Kubera ko Ari yo nzira yonyine igana ku Ukuri, ku Buzima, n’ibyishimo by’Iteka, n’amahoro y’Iteka. Ni We Wenyine kandi akaba inzira yonyine yo kubigeraho. Yoo, mbega!

<sup>133</sup> Isoko y’Ubugingo idashira ni Yesu Kristo. Kubera iki? Ese ni inde? Ijambo, ridahinduka; Ijambo, Ubuzima, Isoko, “uko yari ari ejo, n’uyu muni ni ko ari, kandi ni ko azahora n’iteka ryose.” Umwizera nyawe, Amubera ibyishimo bihebuje, Ubuzima bwe buhebuje. Kandi kunyurwa kwe guhebuje kuri muri Kristo. Nta pompe, nta gukurura, nta gufatanya, nta ngwate; gusa kwizera no kuruhuka. Ni byo Ari byo ku bizera.

<sup>134</sup> Kimwe na sogokuruza Aburahamu, ntabwo yigeze akurura, ntiyigeze acika intege, nta nubwo yigeze ahangayika. Yari afite Ijambo. Yaryamye ambitse ku gituza cya El Shaddai. Aburahamu afite imyaka ijana, Imana iramubonekera, iramubwira iti: “Ndi Ushobora byose.” Ijambo ry’igiheburayo ni *El Shaddai*, risobanura, “Ufite Amabere.” “Kandi urashaje, n’imbaraga zawe zarashize, ariko uryame gusa ku gituza Cyanjye kandi wonke imbaraga zawe zirava kuri iri Soko.” Amina! Ni iki yonsa ubwe? Umubiri mushya. Yabyaye Sara. Kandi, nyuma y’imyaka mirongo itanu, yabyaye abana barindwi n’undi mugore.

<sup>135</sup> El Shaddai! Isezerano rya Kera ryerekana ibyo Yakoze, Isezerano Rishya rivuga icyo Azakora. Amina! Mu Isezerano rya Kera . . .

<sup>136</sup> Noneho umwuka urashize, ngiye rero guhita mpagararira hano, mu munota umwe.

Ndashaka kubivuga mbere y’uko mfunga. Nari mfite urugero rwiza rw’igihe kimwe. Nari ku irondo. Kandi abantu benshi hano . . . Hasi hafi ya Georgetown, hepfo hariya muri Milltown, hahozeho, inzira isubira mu misozi, hari hari Isoko. Ryari iriba rya ariteziyani. Ryasukaga mu—mugezi wa metero enye cyangwa eshanu, gusa ryamenaga hanze igihe cyose, ni isoko nziza nini yari hafi aho. Kandi hafi yayo hari byinshi muri izi ndabol, murabizi, ni ibintu bikurira hariya, bisa n’umwenya. Kandi, yewe, nakunze kugira inyota yo kugerayo, yewe, mbega, kugira ngo ngere kuri iyo soko. Kandi naryamaga kuri iki kintu nkanywa gusa nkongera nkanywa, hanyuma nkicara nkanywa, mutegereze.

Kandi umwuka ku wundi nifuzaga kujya njya kuri iyi soko imwe. Ntabwo yigeze ihagarara, haba mu gihe cy’imbeho cyangwa cy’impeshyi. Ntibashoboraga kuyihagarika. Ntushobora guhagarika neza iriba rya ariteziyani. Yoo, oya! Yoo, oya! Sinita ku—ku buryo hakonje, ntabwo yabasha byashoboraga kurikonjesha. Mushobora gukonjesha igitega; ubukonje buke gusa buzabikora. Murareba?

Ariko ikintu cyose kigenda, cyabonye Ubuzima muri cyo, ni ukuzenguruka. Kandi ntushobora guhagarika Iriba rya ariteziyani. N’ubwo umwuka waba wabuze gute ahantu hose, Iri Iriba rihoraho. Tura kuri iryo Riba.

<sup>137</sup> Kandi ndatanga icyitonderwa hariya, naranyuze ndanywa, kandi, yewe, mbega, amazi meza gusa! Ntimwigeze mugira impungenge, “Mwibaze, niba ngezeyo, mwibaza iyo aretse kududubiza?” Aba arimo arimo kududubiza . . .

<sup>138</sup> Umuhinzi ukuze yarambwiye, ati: “Sogokuru wanjye yarinywerekereye.” Ati: “Ntabwo ryigeze rigabanuka cyangwa ngo rigire icyo riba. Riracyari ryarindi, ryisuka neza neza mu Mugezi w’Ubururu hariya hirya.”

<sup>139</sup> Ndatekereza nti: “Yoo, mbega, mbega ahantu heza ho kuvomera!” Nakora urugendo rw’ibirometero hafi y’inzira, kugira ngo ngere aho, kuko hari ahantu nyaburanga ho kunywera. Yoo, mbega ukuntu byari byiza! Yoo, mbega!

Nagira ngo—Nagiraga ngo nsohoke hariya muri ubwo butayu, Arizona ubungubu, ndacyabitekerezaho, “Ibyo byiza cyane hepfo aha, iyaba nashoboraga kuryama kuri ibyo!”

Nk’uko Dawidi yabivuze igihe kimwe ati: “Yoo, iyaba nashoboraga kongera kunywera kuri iryo riba!” Iyaba yageragayo!

<sup>140</sup> Kandi nagezeye umunsi umwe, maze mbona ikintu gisekeje cyambayeho. Nuko ndavugaga nti: “Ni iki kigushimisha cyane igihe cyose? icyampa nkagira umunezero nk’uriya. Kubera iki,

sinigeze mbona ko ubabaye, kuva naza hano. Nta kintu na kimwe kikubabaza.” Ndavuga nti: “Uhora wuzuye umunezero. Urimo gusimbuka no kubyimba no gukomeza. Igihe cy’itumba cyangwa impeshyi, imbeho cyangwa ubushyuhe, ibyo ari byo byose, uhora wuzuye umunezero. Ni iki kibigutera . . . ? Ni iki, Ni iki? Kubera ko nywera kuri wowe?”

“Oya pe.”

Ndavuga nti: “Ni byiza, birashoboka ko inkwavu zinywera kuri wowe, kandi urabikunda cyane.”

“Oya pe.”

Ndavuga nti: “Ni byiza, ni iki kigutera gusimbuka gutya? Ni iki kigushimisha cyane? Ni iki kigutera guhora wuzuye umunezero?” Ati: “Ni ukubera ko—ko inyoni zikunyweraho?”

“Oya.”

“Ni ukubera ko nywera kuri wowe?”

“Oya.”

Ndavuga nti: “Ni byiza, ni iki kigutera umunezero mwinshi?”

<sup>141</sup> Niba kandi iryo riba rishobora kunsubiza, ryavugaga ibi: “Mwene Data Branham, ntabwo ari ukubera ko unywa; Ndabishima, kandi ni ukubera ko nshobora guha n’inyoni. Ntanga ku bantu bose bashaka kunywa. Gusa ikintu mugomba gukora ni ukuza hano mukanywa. Ariko, ikinshimishije, ntabwo ari nje usendereye, ni ikindi kindimo imbere, kinsunika. Ni ikintu kintera ubwoba.”

<sup>142</sup> Kandi ni uko bumeze hamwe n’Umwuka-wuzuye ubugingo. Nk’uko Yesu yabivuze, yari arimo . . . Murareba, Aguha amariba y’amazi atemba agana mu Bugingo, ariteziyani, iriba ryuzuye rihora ridudubiza. Niba itorero risigaye riba hejuru cyangwa hasi, muracyari kuri iryo Riba.

Kuki mwafata imikorere ya kera y’amadini hamwe n’igitaga, byuzuye umwanda n’ibindi byose, hanyuma mukanywera hirya no hino kuri ibyo bintu bihagaze bidatamba, mu gihe mutumiwe ku Isoko, Iriba rya ariteziyani?

<sup>143</sup> Ndatekerezwa uburyo gusa yasunitse, maze akiterera, maze— maze arahirita, araseka, arishima, arasimbuka, arikunenga. Ubukonje, imvura igwa; hashyushye, humutse, mu gihe igihugu cyose cyari cyumye, yari isendereye neza nk’uko bisanzwe. Impamvu yari ndende, yashinze imizi, yinjira mu bitare igasohoka.

<sup>144</sup> Yoo, reka mbesheho n’iyo Gusher! Mufate imikorere yanyu yose yakozwe n’abantu mushaka, amariba yanyu yose ya kera adatamba, ariko reka nze ku . . . cyangwa ibitega by’amazi adatamba. Ariko, reka ngere kuri iyi Soko, reka ngere aho Yuzuye. Ni we Byishimo byanjye. Ni We mucyo wanjye. Ni

uwanjye—Ni We mbaraga zanjye. Ni Amazi yanjye. Ni Ubuzima bwanjye. Ni we Mukiza wanjye. Ni Umukiza wanjye. Ni Umwami wanjye. Ikintu cyose nkeneye nkibonera muri We. Kuki nshaka kujya mu bindi byose?

<sup>145</sup> Mwene Data, mushiki wanjye, ntushaka kuza kuri iyi Soko iri joro? Ntushaka, niba utarigeze uhaba, mbese urashaka kuyakira muri iri joro mu gihe twunamishije imitwe yacu?

<sup>146</sup> Ibitega bitobotse, biva, bitonyanga, ijambo ribitonyangiramo, umwanda uva mu bigega by'iminsi yashize. Kubera iki tutari Iriba, ko uwo mwanda udashobora kugumamo, iyi Soko nini yuzuye Amaraso, yakuwe mu mitsi ya Emanweli? Kuki mutaryakira muri iri joro? Imana idufashe iri joro, muri iki gihugu gikakaye, gifite inyota. Nk'uko umuhanuzi yabivuze, "Ni Urutare mu butaka burushye." Ni iyo Soko. Ntimuza kumusanga iri joro, mu mutima wanyu, mu gihe dusenga?

<sup>147</sup> Data mwiza wo mw'Ijuru, nta yindi Soko, nk'uko injyana icuranga, "Nta yindi soko nzi; nta kindi uretse Amaraso ya Yesu." Navukiye yo, nakuriye yo; Ndashaka gutura yo, no gupfira yo, kandi nkazamuka aho ngaho, Imbere Ye. Buri gihe, Mwami, reka mbe Imbere Ye, kuko nta wundi nzi. Nta myizerere, nta rukundo; nta rukundo uretse Kristo, nta myizerere uretse Kristo, nta gitabo uretse Bibiliya, nta kindi, nta byishimo hanyuma ye. Mumushakire iwanjye, O Mana, sinitaye ku by'isi n'ibyo ntunze, ni—bishobora kuba bigipfuye, Nazengurutsa amaboko hejuru yanjye. Mumushakire iwanjye, ndaza kugenda, Mwami. Ariko reka We abe muri nje, noneho Ukuboza kuraza kuba gushimishije nka Gicurasi, noneho nta hantu hashyushye kandi nta hantu humutse, ndetse n'urupfu ubwarwo nta ntsinzi. Reka tumuhabwe We, Data. Mutange, ku bwinshi, ku bizera bose hano iri joro, nk'uko bategerereje muri iki cyumba.

<sup>148</sup> Benshi muri bo babonye imodoka ku muhanda nimugoroba, mu gihe bagiye mu rugo rwabo, kandi ibi ni ibitekerezo byabo, "Ntuye kuri iyo Soko. Ntuyeyo, nywa amazi afutse, isaha ku yindi."

<sup>149</sup> Niba kandi batarabona ibyo, kugeza ubu, nibamwakire nonaha, kugira ngo bashobore kutwara Isoko neza. "Nzajyana namwe; Nzabana namwe kugeza imperuka y'isi." Tanga ibyo bintu, Data.

<sup>150</sup> Noneho mu gihe twunamishije imitwe yacu, hano hari umuntu hano, iri joro, cyangwa ni bangahe bavuga bati: "Mwami, njyana kuri iryo Soko nonaha. Ntabwo nigeze nza hano kumva gusa; Naje hano kugira ngo ngire icyo menya. Naje hano ngusanga, Mwami. Ndagukeneye muri iri joro. Ngwino mu mutima wanjye nonaha. Uzabikora, Mwami?" Imana iguhe umugisha. Mwami Imana ihe umugisha buri wese.

<sup>151</sup> Data, Wabonye ibiganza, ndetse hejuru no kuzenguruka urukuta, no mu bindi byumba, hanze. Wowe—Wababonye

Data. Njye—Njye ndagusenga ngo Uze kubaha ibyo bakeneye byose. Birashoboka ko banyweraga ku gitega gishaje, Mwami, gusa mu rugendo hagati aho umugabo umwe yacukuye igitega, cyahumanye mu buryo bwose bw'inyigisho zidasanzwe, zihakana Ijambo. Ndasenze, Mana, ngo iri joro bamusange We Soko, Isoko y'Ubugingo. Byemere, Data. Ndabakweguriye ubu mw'Izina rya Yesu.

<sup>152</sup> Kandi warambwiye uti: “Nusaba ikintu cyose mw'Izina Ryanjye, uzagihabwa.” Noneho, ntabwo nabisaba, Mwami, niba ntabwo ntabwo byakorwa. Naba—Naba mbivuga mu bikorwa bisanzwe. Ariko ndabasengera, mbikuye ku mutima. Ndabasengera, nizera ko Uzatanga ibyo Wasezeranije.

<sup>153</sup> Noneho mbakuye kuri icyo gitega muri iri joro. Ndabakura aho bari barimo kunywera, aho batanyuzwe; mbazane kuri iyi Soko. Ndabikora mu Izina rya Yesu Kristo.

<sup>154</sup> Ni abawe, Mwami. Nibanywere kuri Wowe, Amazi mazima, Isoko y'Amazi mazima. Mw'Izina rya Yesu, ndabisabye. Amina. Byemere, Mwami.

Yoo, ugutemba ni iby'agaciro,  
Ibyo bintera kwera nka shelegi;  
Nta yandi Masoko nzi,  
Nta kindi uretse Amaraso ya Yesu.

Ni iki gishobora guhanagura icyaha cyanjye?  
Nta kindi uretse Amaraso ya Yesu;  
Ni iki gishobora kongera kunkiza?  
Nta kindi uretse Amaraso ya Yesu.  
Yoo . . .

Yesu, kiza aba, Mwami! Emera, Mwami, binyuriye mu Izina rya Yesu. Ndasenga, Mana, kugira ngo Wowe . . . ? . . . Uzi byose.

Nta yindi Soko nzi,  
Yego, nta kindi uretse Amaraso ya . . .

<sup>155</sup> Mubitekerezeho, nta yindi soko nzi! Nta kindi nzi uretse We. Sinshaka kugira ikindi kintu menya kitari We. Nta kindi uretse Amaraso ya Yesu! Yoo!

Yoo, ugutemba ni iby'agaciro,  
Ibyo bintera kwera nka shelegi;  
Nta yindi Soko nzi,  
Yoo, nta kindi uretse Amaraso ya Yesu.

<sup>156</sup> Mu gihe twongeye kuririmba, reka duhane ibiganza. Murakundana? Hano hari umuntu wigeze agira ikintu kirwanya undi muntu? Niba ahari, genda utunganye neza. Uraza kubikora? Reka ntituve hano dutya. Murareba? Niba ufite ikintu cyo gucyaha umuntu uwo ari we wese, genda ubikore, nonaha. Kuri ubu ni amahirwe yawe yo kujya kubivuga, vuga, “Mwene Data, mushiki wanjye, hari icyo nakuvuzeho, natekereje ikintu. Sinashakaga gukora ibyo. Mbabarira.” Murareba, ni yo nzira

yo kubikora. Reka tugire Isoko neza muri twe, igihe cyose. Murareba?

Nta yindi Soko nzi,  
Nta kindi uretse Amaraso ya Yesu.

Yoo, ugutemba ni iby'agaciro,  
Ibyo bintera kwera nka shelegi;  
Yoo, nta yindi Soko nzi,  
Nta kindi uretse Amaraso ya Yesu.

<sup>157</sup> Yoo, Mbese ntabwo ahebuje? Nta yindi Soko! Ntabwo tuziyandurisha ibindi bintu. Twaritandukanije, dusiga isi inyuma. Ntabwo dushaka kongera gukurikira tungurusumu zo muri Egiputa hamwe n'ibitega bitobotse. Turi mu rugendo hamwe n'Umwami Yesu, Urutare rwakubiswe, amina, kurya Manu ivuye Hejuru, no kunywa; kurya Ibiryo by'abamalayika, no kunyweya ku Rutare. Amina!

Nta yindi Soko nzi,  
Nta kindi uretse Amaraso ya Yesu.

Noneho reka twunamishe imitwe yacu.

<sup>158</sup> Dusenge kugira ngo Imana ihe umugisha cyane buri wese, ko ubuntu n'imbabazi Bye bizabana namwe mu cyumweru gitaha. Niba kandi hari ikintu kigomba kubaho, umwe muri mwe ashobora kujya hakurya y'urusika, gusa mwibuke ko ari amasaha make yo gusinzira no kuruhuka kugeza duhuye. Mwibuke, ko, "Abazima bazaba bakiriho ntibazatanga abasinziye, ku Mpanda y'Imana, iyo Mpanda ya nyuma..." Iya gatandatu imaze kumvikana. Kandi iyo Impanda ya nyuma, kimwe n'ikimenyetso cya nyuma, izaba Ukuza k'Umwami. "Impanda izavuga, kandi abapfiriye muri Kristo bazabanza kuzuka." Gusa bararuhutse kugeza icyo gihe.

<sup>159</sup> Niba kandi mugomba kubabazwa, nimwibuke:

Fata izina ry'Umwami Yesu urikomeze,  
Nk'Ingabo igukingira imitego yose;  
Kandi ibishuko nibigukikiza,  
Gusa uhumeke Izina Ryera mu masengesho.  
(Amadayimoni azahunga.)

<sup>160</sup> Gusa mwibuke, twizeye ko tuzahurira hano ku Cyumweru gitaha. Muzazane abarwayi n'abababaye. Ndaza kubasengera. Munsegere nonaha. Muraza kubikora? Muvuge muti: "Amina." [Itorero riravuga riti: "Amina."—Ubwanditsi.] Ndaza kubasengera, kugira ngo Imana ibahe umugisha.

. . . Izina mu masengesho.

Izina ry'agaciro, (Izina ry'agaciro!) Yoo mbega ukuntu riryoshye!  
Ibyiringiro by'isi n'ibyishimo by'Ijuru;  
Izina ry'agaciro, yoo mbega!  
Ibyiringiro by'isi n'ibyishimo by'Ijuru.

Mu Izina ry'Umwami Yesu twunamye,  
 Kubita prositati ku birenge Bye,  
 Umwami w'abami wo mw'Ijuru  
 azamwambbika ikamba,  
 Ubwo urugendo rwacu ruzarangira.

Izina ry'agaciro, (Izina ry'agaciro! Ese  
 ntiriryoshye kandi ntirifite agaciro?)  
 Ibyiringiro by'isi n'ibyishimo by'Ijuru;  
 Izina ry'agaciro, (Izina ry'agaciro!) Yoo mbega  
 ukuntu riryoshye!  
 Ibyiringiro by'isi n'ibyishimo by'Ijuru.

<sup>161</sup> Buri gihe biragoye cyane kubarekura. N'ubwo nzi ko murimo kugurumana, ariko hari ikintu kijyanye gusa...Mureke, undi murongo umwe w'ikintu, muzabikora? [Itorero rivuga, "Amina."—Ubwanditsi.] Muzabikora? *Ikiduhuza gihabwe umugisha*, mushiki wacu. Ni bangahe bazi indirimbo ya kera? Twakunze kuyiririmba, hashize imyaka.

<sup>162</sup> Kandi natekerezaga, iri joro ngo: "ibiganza bibiri, mu magana, asigaye," iyo twaririmbaga iyo ndirimbo dukikije ihema, tugahuza ibiganza umwe ku wundi. *Hahabwe umugisha ikiduhuza*. Nashyinguye benshi, hano hirya neza mu irimbi. Barategereje. Nzongera kubabona. Ndababona, rimwe na rimwe, mu iyerekwa, iyo ndebe hakurya y'urusika. Barahari.

Reka twunamishe imitwe ubu turirimbe.

Ikiduhuza gihabwe umugisha  
 Imitima yacu mu rukundo rwa Gikristo;  
 Ubusabane . . .  
 Ni nka biriya biri Hejuru.  
 Iyo twe . . .

Noneho fata ikiganza cya mugenzi wawe.

. . . gikomeze,

Noneho twunamishe umutwe.

Ibyo biduka ububabare bw'imbere;  
 Ariko tuzakomeza guhuzwa mu mutima,  
 Kandi twizere ko tuzongera guhura.

<sup>163</sup> Twunamishije imitwe. Nsubije gahunda kuri pasiteri nonaha, kandi ndasezerera . . . 

64-0726E Ibitega Bitobotse  
Urusengero rwa Branham  
Jeferisonivile, Indiyana Leta Zunze Ubumwe za Amerika

KINYARWANDA

©2025 VGR, ALL RIGHTS RESERVED

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Gushinganisha Igihangano

Uburenganzira bwose burashinganye, iki gitabo gishobora gucapirwa mu rugo ku muntu ushaka kugikoresha ku giti cye nta kiguzi, akagikoresha nk'icyo kwifashisha mu rwego rw'ivugabutumwa rya Yesu Kristo. Iki gitabo ntibyemewe kukigurisha cyangwa kugicapa ugasohora umubare munini, ntibyemewe kugishyira ku rubuga, ntibyemewe kukibika mu buryo bw'ikoranabuhanga, kugihindura mu rundi rurimi, cyangwa kugikoresha ugamije kubona inkunga, udafite uruhushya rwanditse rutangwa na Voice Of God Recordings®.

Ku bindi bisobanuro cyangwa ushaka gusaba ibindi bitabo wabariza kuri aderesi ikurikira:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

[www.branham.org](http://www.branham.org)